



60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

C40-4514



B 64853

大方廣佛華嚴經疏鈔卷二十一之一

于闐國二藏沙門實叉難陀譯

清涼山大華嚴寺沙門澄觀撰述

十無盡藏品第二十二

疏初來意者總有五義一爲答前第二會初十藏

問故二前明正位今依位起行故同梵行品三前
約位別行今辨始終通行故四前明成位行今辨
淨治彼行故同十地中信等十行五前自分究竟
今辨勝進趣反同上明法準問應在十迴向後今
云藏有一義約蘊攝義在十

601234567897012345678980123456789

地前義通一處問答互顯。

云廻向無別自體。但以能廻前行爲其自體。今十藏既爲十行勝進。亦爲廻向勝進。故廻向後無別勝進。此卽前後互舉顯義方備。然明法品及第五廻向皆有十藏隨三賢異。故不相濫。又前是勝進所成後是一位之果。今通爲勝進。故意旨不同。

鈔準問下。釋上問前却妨二義通之。然明法下會差別有一義釋。初以位據前明法。卽勝進所成者。是勝進家果故。故經云菩薩滿足如是願時。卽得十種無盡藏。所謂普見諸佛無盡藏。一總持不忘。

無盡藏。三決了諸法。四大悲救護。五種種三昧。六滿衆生心廣大福德。七演一切法甚深智慧入。報得神通。九住無量劫。十入無邊世界無盡藏。後是一位之果者。以是第五廻向之果。故經云菩薩住此廻向。得十種無盡藏。所謂見佛無盡藏於一毛孔見阿僧祇諸佛出興於世故等。其中有同名者。亦復優劣有異。

疏二。釋名者。藏是出生蘊積之義。謂一藏內體。合法界故。攝德。功用。一無盡寄圓顯十。卽帶數釋也。宗攝前生後得果爲趣。

爾

諸菩薩言。佛子。菩薩摩訶薩。

有十種藏。過去未來現在諸佛已說當說今說。

疏四釋文中大分四別。第一唱數顯同。二徵名列異。三依名廣釋。四總歎勝能。今初三世同說顯勝令遵。

何等爲十。所謂信藏。戒藏。慚藏。愧藏。聞藏。施藏。慧藏。念藏。持藏。辨藏。是爲十。

疏一。何等下徵名列異。藏如前解。信等對藏皆持業。釋心淨名信制止名戒。崇重賢善爲慙。輕拒暴惡爲愧。餐教廣博爲聞。輟已惠人爲施。決擇諸法。

名慧。令心明記爲念。任持所記爲持。巧宣所持爲辨。各有業用。鈔各有業用者。如信以能除不信。濁爲業。戒以遮防。破戒蔽爲業。慚以對治無慚。止息惡行爲業。愧以對治無愧。止息惡行爲業。聞以能破無知爲業。施以止慳爲業。慧以破痴爲業。念以治忘念爲業。持以治忘失爲業。辨以治於齋訥爲業。

疏然念慧及戒慚愧等五。皆當體爲性。餘五行用立名。此約隨目。若就融通。皆順法界之行。良以法等故。隨義說十。然約隨相。前九

卷之二
具一

疏信爲行本。故首明之依信離過。慚愧莊嚴。戒行光潔。上三離過之行。餘皆進善。進善之首。必藉多聞。如聞而行。唯福與慧念使增明。持令經久。辨以利他。故前七卽七聖財。慧爲正導。故終辨之次。二守護後一積而能散。

佛子何等爲菩薩摩訶薩信藏。

疏第三依名廣釋。十藏卽爲十段。信中有四。謂徵名釋。相結名辨。益辨益一種。唯初七十餘之七段文。但有三。今初段中初徵可知。

此菩薩信一切法空。信一切法無相。信一切法無願。信一切法無作。信一切法無分別。信一切法無所依。信一切法不可量。信一切法無有上。信一切法難超越。信一切法無生。

疏釋中分三。初明信相。次若菩薩下。明信力。三此菩薩入佛下。總結信成。今初也。十句爲四。初三空。信所執無相。謂情有理。無名空。空亦無相。空無相故。無所願求。次三信。依他無生。一緣起無作。二不實故。無能所分別。三無體故。無所依次。三信。量。勝故無上。三深不可越。

旨意以前九別約三性。後一總

融前中卽依三性。信無三性。此初信所執徧計所執性云無相者。卽相無自性性。二依他無生。無生卽生無自性性。三圓成無性。無性。卽勝義無自性性。

疏後一總信三性無生如初會辨。則十皆無生。並通三性。如一無生觀。但信依他無徧計人法。自然之生性。則是無性圓成餘例。此知。鈔後一總信三性總融前九文。中有三一指前卽第二經清淨功德眼自在天王得知。一切法不生不滅。不來不

去無功用行解脫門廣如前說。則十皆無生者。一空是無生義。二無相是無生義。三無願是無生義。四無作是無生義等。並通三性者。此有二義。一空等通三謂徧計空。依他空。圓成空等。乃至三性難超越。二無相無生無性亦通三性。下疏依後義作一重云。如一無生。若作無相應云。但信依他無徧計之相是。則圓成之相。若信依他無自然之性。則悟圓成之性。是故結云。餘例此知。

若菩薩能如是隨順一切法。生淨信已。聞諸佛法不可忘。議心不怯弱。問一切佛不可思議心。不怯弱。聞

601234567897012345678980123456789

衆生界不可思議心不怯弱。聞法界不可思議心不怯弱。聞虛空界不可思議心不怯弱。聞涅槃界不可思議心不怯弱。聞過去世不可思議心不怯弱。聞涅槃界不可思議心不怯弱。聞現在世不可思議心不怯弱。聞入一切劫不可思議心不怯弱。

疏第二明信力中二先正顯業用後徵釋所由。今初文有十句徧從前十前並成此十若類例辨初一於勝上法不怯次四廣多法不怯一所化衆生二卽化法三是化處四化之所歸後四寬遠法不怯若尅文取義以後十句逆配前十謂由信

法無生故於佛法不怯佛法以無生爲體故佛難超故衆生無盡故法界無邊故虛空無依故涅槃無分別故過去之因不作果故未來之法無可願故現在之法卽無相故入劫無障礙以卽空故此十皆深廣難思鈔若尅文取義者上但當文通釋今對前別釋經。

何以故此菩薩於諸佛所一向堅信知佛智慧無邊無盡。

疏二徵釋中先徵意云何以深廣難思菩薩聞而不怯釋意云以於深廣皆堅信故文分爲二初總

後別總云。一向信者無猶豫故。堅者異說不壞。故所信謂何。卽佛智慧。智慧何相。無邊無盡。然通二義。一廣無邊涯。豎不可盡。二無一邊之偏。同真性之無盡。

十方無量諸世界中。一一各有無量諸佛。於阿耨多羅三藐三菩提已得。今得。當得。已出世。今出世。當出世。已入涅槃。今入涅槃。當入涅槃。

疏二十方下。別釋。初釋前意。十方無量。是無邊義。已現當入。是無盡義。言得菩提。是自證義。出世。入滅。是應現義。法無邊故。佛智無邊。一佛之智。尚不

可盡。况橫徧十方。豎該三際。菩薩於斯廣遠。堅信。不移。寧有怯耶。

彼諸佛智慧。不增不減。不生不滅。不進不退。不近不遠。無知無捨。

疏二。彼諸下。釋第二意。闡深不怯。謂已得。今得。菩提而不增。當得。未得而不減。已出。今出而不生。已入。今入而不滅。當出而不進。當入而不退。現得出入而不近。在於已當而不遠。照窮萬法而無知。頓寂諸相而不捨。以寂照之體。如如。超戲論故。但以世俗文字數故。說有三世。非菩提涅槃有去來今。

601234567897012345678980123456789

菩薩既堅信於此。寧聞深而怯耶。鈔已得今得
菩提者。此下卽就前廣無邊涯之經。以辨離二邊
之偏。二釋後意文四。一約真如本無增減等。二寂
照下。寂照契如絕戲論故。三但以下。暗引淨名證
成。四菩薩既堅信下。結成不怯。

疏此二段釋文。具前十句難思之法。如文詳之。
此菩薩入佛智慧成就無邊無盡信。

疏第三總結信成於中二。初一句總牒信成。謂
由明達佛智無邊無盡故。稱此成信。

得此信已。心不退轉。心不雜亂。不可破壞。無所染著。

常有根本隨順聖人住如來家。

疏二得此信下。顯成信之益。亦是正顯成相。有十
一句。前七行體堅牢。初句爲總。一內心不雜故不
退。三外緣不沮故四不染相故。

疏五有正慧故。無慧之信長無明故。靜法云。梵云
阿慕羅匿陀。此云不從根生。謂無生之信。無根生
故。經本云。常有根本者。譯人不審。阿字沒在句。翻
無爲有。於理背也。此或應爾。今以理通。二義無違。
無根語慧之體。根本約慧之用。亦猶從無住本立。
一切法故。無本者。卽是根本。鈔此或應爾下。三

會通言或應爾。且許昔解後今以理下。引例會通。

○疏六順同古聖故。七安住菩提心故。

護持一切諸佛種性增長一切菩薩信解隨順一切如來善根出生一切諸佛方便。

疏後四攝德無盡一護已成性二復長新解三順如生善四不滯有無。

是名菩薩摩訶薩信藏。

疏三夏名下結。

菩薩住此信藏則能聞持一切佛法爲衆生說皆令開悟。

疏四菩薩住此下辨益易知。

佛子何等爲菩薩摩訶薩戒藏。

疏第二戒藏文三

此菩薩成就普饒益戒不受戒不住戒無悔恨戒無違諍戒不損憐戒無雜穢戒無貪求戒無過失戒無毀犯戒。

疏釋相中二初列十名後隨牒釋初中十戒皆通三聚取其相顯初但饒益有情後一律儀中八通三約遮過罪皆菩薩律儀但爲救護等卽是饒益攝善可知爲顯此十皆通三聚故釋後一復顯三

攝述

金剛經卷之二

七

聚。

云何爲普饒益戒。此菩薩受持淨戒。本爲利益一切衆生。

疏二牒釋中十戒爲十。皆先牒後釋。初饒益者。菩薩本意故首明之。

云何爲不受戒。此菩薩不受行外道諸所有戒。但性自精進奉持三世諸佛如來平等淨戒。

疏二不受中文有一意。一不受邪戒。謂鷄狗等。二。三聚宿成動不踰矩。鈔謂鷄狗等者。涅槃二十一云。菩薩摩訶薩受持禁戒。不爲生天。不爲恐怖。

乃至不受狗戒。鷄戒。牛戒。雉戒。乃至是名菩薩修大涅槃。是第三戒。又十住毘婆沙論第三明穢土中多諸外道。有持牛戒者。鹿戒者。狗戒者。鳥戒者。象戒者。釋曰。此皆外道所持惡禁戒。通由二因生此妄計。一由天眼見有衆生從鷄狗等卽生天上。故一由非理尋思妄生此計。婆沙一百一十四。有二外道。一名布刺拏。憍迦。受持牛戒。二名頰刺。刺羅。栖你迦。受持狗戒。二人異時往佛所種種愛語相慰問已。時布刺拏先爲他問。此栖你迦受持狗戒修道已滿。當生何處。世尊告曰。汝止莫問。復

601234567897012345678980123456789

再三請佛。以慈心告言。諦聽受持。狗戒若無缺犯。當生狗中。若有缺犯。當墮地獄。聞佛語已。悲泣哽咽。不能自勝。世尊告曰。吾先告言。止不須問。今果懷恨。時布刺拏曰。言世尊。不以此人當生狗趣。故我悲泣。然我長夜受持牛戒。或恐將來亦當爾耶。唯願大慈爲我宣說。世尊告曰。准前狗戒。此等皆由不了真道。婆沙又問云。云何受猪戒。牛戒。狗戒。名無缺犯。答。一如牛法。狗法。名無缺犯。云何爲不住戒。此菩薩受持戒時。心不住欲界。不住色界。不住無色界。何以故。不求生彼而持戒故。

疏三中。唯爲菩提及衆生故。非如難陀之類。鈔非如難陀。難陀之緣甚長。而人多聞。正明其性多欲染著。孫陀羅佛方便誘之。至於天上。見諸天女。端正姝麗。過其本妻。見諸天男。皆有天女。獨於一處。見有天女。迥異姝麗。而無天男。問佛。佛令自問。彼女答言。我夫主卽佛弟難陀。難陀答言。我身卽是女言。難陀爲僧。身披袈裟。聞已。便求剃落持戒。本爲貪著天女。而持禁戒。故阿難譏之。如瓶羊相觸。將前而更却。汝爲欲持戒。其事亦如是。身雖能持戒。心爲欲所牽。斯業不清淨。何用是戒爲。意云。

60123456789

如羊本擬向前。如汝欲生天上受欲。而更却後。如汝持戒。故業不清淨。

云何爲無悔恨戒。此菩薩恒得安住無悔恨心。何以故。不作重罪。不行詣許。不破淨戒故。

疏四中。涅槃云。何故持戒爲不悔故。何故不悔爲歡喜故。乃至爲得大涅槃故。鈔涅槃等者。卽第二十七師子吼言。何因緣故。受持禁戒。佛言爲心不悔。何故不悔。爲受樂故。何故受樂。爲遠離故。何故遠離。爲安隱故。何故安隱。爲禪定故。何故禪定。爲實知見故。何爲實知見。爲見生死過患故。何爲見生死過患。爲心不貪著故。何爲心不貪著。爲得解脫故。何爲得解脫故。爲得無上天涅槃。爲得常樂我淨故。何爲得常樂我淨。爲得不生不滅故。何爲得不生不滅。爲見佛性故。是故菩薩性。自能持究竟淨戒。疏家但至涅槃已爲究竟。故畧後三後三。卽涅槃中事故。

云何爲無違諍戒。此菩薩不非先制。不更造立。心常隨順。向涅槃戒。具足受持。無所毀犯。不以持戒惱他衆生。令其生苦。但願一切心常歡喜。而持於戒。疏五中有四。非者違也。一不違制立。不同調達。二

601234567897012345678980123456789

不違涅槃。不取相故。三不違律儀。具足持故。四不違利物。不惱他故。鈔不同調達者。佛說四依爲除比丘四惡欲故。調達比丘加一爲五。謂加不食酥鹽魚肉。復皆盡形壽。況雖有同本意不善故。四分律第四卷云。調達以五邪法誘諸比丘。盡形壽乞食爲一盡形壽著糞。掃衣爲二盡形壽露地坐爲三盡形壽不食酥鹽爲四。盡形壽不食魚及肉爲五。不違涅槃者。非涅槃經以無相持順寂滅故。云何爲不惱害戒。此菩薩不因於戒學諸咒術。造作方藥。惱害衆生。但爲救護一切衆生而持於戒。

疏六有二意。一非爲欲惱衆生。先須持戒。二非爲欲成淨戒。逼惱衆生。如殺馬祀等。鈔一非爲欲惱衆生者。如欲禁龍。曾聞羅漢持戒而能遣龍。遂卽持戒是也。如馬祀等者。卽百論中外道計殺馬祀天得生梵天。卽逼惱於馬。謂爲戒等。云何爲不雜戒。此菩薩不著邊見。不持雜戒。但觀緣起。持出離戒。

疏七中戒正見邪。故名爲雜定。有定無爲斷常雜觀緣性離。非有非無則名爲持。又無煩惱之雜真出離矣。鈔定有定無者。今律學者多計爲有禪。

601234567897012345678980123456789

學之者。說戒如空定有著常定無著斷此爲邪見雜於正戒觀緣性離者觀緣之相不壞堅持緣成性空故不起迷倒。

云何爲無貪求戒此菩薩不現異相彰已有德但爲滿足出離法故而持於戒。

疏八中不現異相彰已有德五邪之一已見淨行又如十住論說一者矯異二者自親三者激動四者抑揚五者因利求利大同前引智度論說今文卽矯異也鈔又如十住婆沙論說一矯異者謂有貪利養故行十二頭陀作如是念他作是行當

得畧養我作是行亦或得之爲利養故改易威儀二百親者爲有貪利養故至檀越家而語之言汝等如我父母兄弟姊妹親戚無有異也若有所須我能相與若有所作我能作之不計遠近來相問訊我住此者正相爲耳爲求利養貪著檀越能以巧辨牽引人心三激動者謂有不計貪罪欲得財物現於貪相語檀越言此衣鉢尼師壇好若我得之則能受用若人能隨意施者此人難得又有謂檀越言汝家羹飯餅肉香美衣服又好若常供養我我以親眷必當相與四抑揚者謂貪利養故語

檀越言汝極慳惜尚不能與父母兄弟姊妹妻子親戚更有誰能得汝物者。檀越愧耻。俛仰施與。又至餘家語彼人言汝有福德受人身不空。阿羅漢等常入汝家與汝坐起語言欲令檀越必謂我是大阿羅漢五因利求利者謂以衣鉢及僧伽梨尼師壇等資生之物持示人言此是國王及施主并餘貴人將來與我令其檀越心中生念王及貴人尚供養彼況我不與因以此利更求餘利故以名也。

云何爲無過失戒此菩薩不自貢高言我持戒見破戒人亦不輕毀令他愧耻但一其心而持於戒。

疏九中不輕毀者無行經云見破戒人不說其過惡應念彼人久久亦當得道問涅槃云見破戒人應當擯黜呵責舉處當知是人得福無量豈不違於無行此經答畧有二義一此經約自行涅槃據攝衆二此經約根未熟護恐增惡故且攝受涅槃約根熟者慈心拔濟故應折伏二彼約慈心此約輕毀故不同也。

云何爲無毀犯戒此菩薩永斷殺盜邪婬妄語兩舌惡口及無義語貪瞋邪見具足受持十種善業菩薩

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

華嚴疏錄卷之二

三

持此無犯戒時作是念言。一切衆生毀犯淨戒皆由顛倒。唯佛世尊能知衆生以何因緣而生顛倒。毀犯淨戒我當成就無上菩提廣爲衆生說真實法令離顛倒。

疏十中釋內分二初明律儀十善衆戒之本故偏明之廣如二地一菩薩持此下雙明二聚攝菩提善益衆生故。

是名菩薩摩訶薩第二戒藏。

佛子何等爲菩薩摩訶薩慚藏此菩薩憶念過去所作諸惡而生於慚。

疏第三慚藏釋相中二先標章二謂彼下別釋今初然慚愧相別諸說不同涅槃云慚者羞天愧者羞人慚者自不作惡愧者不教他作慚者內自羞耻愧者發露向人瑜伽四十四亦云內生羞耻爲慚外生羞耻爲愧大同涅槃後解成唯識云依法力崇重賢善爲慚依世間力輕拒暴惡爲愧俱舍亦同若無慚愧但翻上慚愧謂不羞天則是無慚餘可例知鈔慚愧相別者雙釋慚愧兩章之通別言涅槃云慚者羞天等者卽南經第十七耆婆爲阿闍世王說也經云大王諸佛世尊常說是

60123456789

言有二。自法能救衆生。一慚。二愧。慚者自不作罪。愧者不教他作。慚者內自羞耻。愧者發露向人。慚者羞天。愧者羞人。是名慚愧。無慚愧者。不名爲人。名爲畜生。成唯識卽當第六論云。云何爲慚。依法力。崇重賢善爲性。對治無慚。止息惡行爲業。謂依自法力尊貴增上。崇重賢善。羞耻過惡。對治無慚。息諸惡行。釋曰。言自法者。於自身生尊重增上。六法生貴重增上。二種力故。崇賢重善。此是慚相。論云。云何爲愧。依世間力。輕拒暴惡爲性。對治無愧。止息惡行爲業。謂依世間。訶厭增上。輕拒暴惡。

羞耻過罪。對治無愧。息諸惡業。釋曰。謂依世間他人譏毀。及自羞惡法。而不作等。名依世間。訶厭增上有惡者。名暴染法體。名惡於彼二法。輕有惡者而不親拒。惡法業而不住。由此增上。對治無愧。息諸惡業。論又云。羞耻過惡。是二通相。故諸聖教。假說爲體。釋曰。此會顯揚說羞耻爲二相者。是通相耳。從通假說爲體實是崇拒等是別相。故下疏云。是二通相。俱舍亦同者。卽彼第二疏根品之中偈云。無慚愧不重於罪。不見怖。釋曰。不重賢善。名爲無慚。謂於諸功德及有德人。無敬無崇。無所忌難。

撰述

華嚴疏錄卷之二

三

七

無所隨屬說名無慚。卽是恭敬所離對法。云功德者。戒定慧有德人者。有戒定慧人也。無忌難者。無畏懼也。不隨屬者。不作弟子禮也。於罪不見怖。釋無愧也。爲諸善者。所訶厭法說名爲罪。於此罪中。不見能招可怖畏果。說名無愧。翻上即是慚愧之相。謂重賢善等。故同唯識。

疏若說羞耻爲慚愧者。是二通相。今經多同唯識。而以不相恭敬爲二通相。鈔若說羞耻下。釋二通。首先依唯識已。如上引後。依今經以二文皆有不相恭敬故。

謂彼菩薩心自念言。我無始世來與諸衆生。皆悉互作父母兄弟姊妹男女。具貪瞋癡。憍慢詣詐。及餘一切諸煩惱。故更相惱害。遙相陵奪。姦婬傷殺。無惡不造。

疏一別釋中分二。先釋過去作惡。卽無慚行。二盲惟下釋而生於慚。前中亦二。初自念無慚。一切衆生悉亦如是以諸煩惱。備造衆惡。是故各各不相恭敬。不相尊重。不相承順。不相謙下。不相啓導。不相護惜。更相殺害。互爲怨讐。疏後一切下。悲他亦爾。

撰述

勸善勸惡錄卷之二

七

七

自惟我身。及諸衆生。去來現在。行無慚法。三世諸佛。無不知見。今若不斷此無慚行。三世諸佛亦當見我。我當云何猶行不止。甚爲不可。

疏第二。正顯慚相中。初自念昔非。耻佛知見。現修慚相。自惟即是內自羞耻。鈔自惟即是內自羞耻者。正同涅槃。兼得唯識。依自法力。是故我應專心斷除證阿耨多羅三藐三菩提。廣爲衆生說真實法。

疏一。是故已下。決志斷證文言去來現在行無慚者。言總意別。菩薩自惟昔過慾物三世常行政專

心斷除。防已伏之再起。爲衆生說。則物我之兼亡。是名菩薩摩訶薩第三慚藏。

佛子。何等爲菩薩摩訶薩愧藏。此菩薩自愧昔來於五欲中。種種貪求。無有厭足。因此增長貪恚癡等。一切煩惱。我今不應復行是事。

疏第四愧藏釋相中三。初自念無愧而修愧行。故云我今不應復行是事。卽愧行也。又作是念。衆生無智。起諸煩惱。具行惡法。不相恭敬。不相尊重。乃至展轉互爲怨讐。如是等惡。無不備造。造已歡喜。追求稱歎。盲無慧眼。無所知見。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

疏二又作下。傷物無愧。不覺苦集者。不知苦果。不見集故。

鈔不覺苦集者。不知苦果。不見集故。於母人腹中。入胎受生成。垢穢身。畢竟至於髮白面皺。有智慧者。觀此但是從婬慾生。不淨之法。三世諸佛。皆悉知見。若我於今猶行是事。則爲欺誑三世諸佛。是故我當修行於愧。速成阿耨多羅三藐三菩提。廣爲衆生說真實法。

疏三於母人下。依顧世間而修愧行。誓益自他。具鈔依顧世間。卽順唯識意。

疏於中初所愧境。有智慧下。顧他生愧。卽外羞也。

初因人後諸佛。是故已下。決志斷證。言不淨之法者。從婬慾生。卽種子不淨。母人腹中。卽住處不淨。成垢穢身。卽自相自性。究竟髮白。意含究竟不淨。

鈔從婬慾生者。疏中先說五種不淨。一種子不淨。二住處不淨。三自性不淨。四自相不淨。五究竟不淨。卽智論二十一說。梵行品已廣其相。但自性不淨。卽三十六物。今當更說。卽涅槃十二聖行品云。從頭至足。其中唯有髮毛。爪齒。不淨。五垢穢。六皮。八筋。九骨。十一脾。十二腎。十四肺。十五膽。十六腸。十七胃。十八生藏。

601234567897012345678980123456789

撰述

聖闡新錄卷之二

三

十九熟藏二十大便二十一小便二十二涕二十

三唾二十四目淚二十五脂二十六膏二十七腦

二十八膜二十九骨三十髓三十一膿三十二血

三十三膀三十四胱三十五諸脈三十六釋曰遠

公不分。其中骨有一。腦有二。腦連膜除二。欠二。腸有大小。亦欠其一。餘處有胞。則具三十六。直就經文。今具者復有分垢爲一。汗爲一。則穢字屬汗。亦具三十六。

疏又垢穢形是內汚穢不淨處胎受生。有苦觸不淨。從姪欲生下劣不淨。若觀待涅槃三界並爲不

淨。其五取蘊體。是違壞不淨。上來煩惱亦是不淨。

鈔又垢穢形是內汚穢不淨者然有一種。一內二外。論云。云何依內汚穢不淨。謂身中髮毛爪齒。塵垢皮肉。骸骨筋脉。心膽肝肺。大腸小腸。生藏熟藏。肚胃脾腎。膿血熱痔。肪膏肌髓。腦膜涕唾。淚汗。屎尿。如是等類。名爲依內。釋曰。此亦三十六物也。論外謂青瘀。或復變赤。或復散壞。或骨或鎖。或屎所作。或涕所作。或血所塗。或膿所塗。或便穢處。如是等類。名爲依外。汚穢不淨。二苦觸不淨。論云。

謂順苦受觸爲緣所生。若身若心。不平等受。受所攝。如是名爲苦觸不淨。三下劣不淨者。論云。謂最下劣事。最下劣界。所謂欲界。除此更無極下極劣。最極鄙穢。餘界可得。如是名爲下劣不淨。四觀待不淨者。論云。謂如有一劣清淨事。觀待其餘勝清淨事。便似不淨。如待無色勝清淨事。色界諸法。便似不淨。觀待薩迦耶寂滅涅槃。乃至有頂皆似不淨。如是等類。名爲觀待不淨。五煩惱不淨。論云。謂三界所有一切結縛隨眠煩惱纏繆。六違壞不淨。謂五取蘊無常無恒不可保信。是變壞法。是故靜慮。

無色皆名不淨。釋曰。今疏隨勝已畧配竟。但觀所引論文。自然明了。

疏言。詎三世佛者。違本四弘誓斷惑故。餘文易知。是名菩薩摩訶薩第四愧藏。

佛子。何等爲菩薩摩訶薩聞藏。

疏第五聞藏分三初微名。

此菩薩知是事有故。是事有是。事無故。是事無是。事起故。是事起。是事滅。故是事滅。是世間法。是出世間法。是有爲法。是無爲法。是有記法。是無記法。疏二釋相中一二初明所知之法。後菩薩摩訶薩下。

601234567897012345678980123456789

顯多聞之意。今初標稱聞藏釋云知者聞爲本故實則多知耳文亦分二先標章後牒釋。今初句雖有十義束爲七初之四句但是緣生故謂一緣生二有漏五蘊三無漏五蘊四有爲五無爲六有記七無記鈔聞爲本故者大品第六須菩提白佛言何等一切法中無礙相應學應知釋曰卽多知義下佛答中與此列大同佛言一切法者善不善法無記法世出世間法有漏法有爲法無爲法共法不共法釋曰此十但共不共此中畧無以一向是不共般若故彼經云何爲共法四禪四無色。

四無量心四無色定如是等法是名共法智論釋云凡夫聖人生處入定處所共故名爲共法經云何等名不共法四念處乃至十八不共法是名不共法論釋云菩薩分別知此諸法各各無相是法從因緣和合生故無性無性故自性空釋曰此卽聖人法不共凡夫如十八不共亦不共二乘也餘大同此。

何等爲是事有故是事有謂無明有故行有何等爲是事無故是事無謂識無故名色無何等爲是事起故是事起謂愛起故苦起何等爲是事滅故是事滅

謂有滅故生滅。

疏二何等下牒釋卽爲七段。初緣起中依生引一二門開爲四重徵釋。謂十二支初一能引次五所引次三能生後二所生故爲四也。鈔依生引二者然第六地廣顯其相今文畧引然此一段疏文有三一總顯生引。

疏然依雜集第四十二有支皆具此有彼有等義故彼論文釋支相云相者謂無作緣生故無常緣生故勢用緣生故此有彼有者顯無作緣生義唯有緣故果法得有非緣有實作用能生果法此生

故彼生者顯無常緣生義非無生法爲因故少有法生而得成立無明緣行等者顯勢用緣生義雖復諸法無作無常然不隨一法爲緣故一切果生以諸法功能差別故鈔二然依雜集下以三緣生會釋經文之意文二先正說三緣生故彼論云云何緣生幾是緣生何義觀緣生耶問也謂相故分別支故釋曰彼有十五義今畧用一二耳論名相者謂無作緣生故無常緣生故勢用緣生故是緣生相由此三故薄伽梵說此有故彼有此生故彼生爲無明緣行乃至廣列也此有故彼有者顯

撰述

卷之二十一

三

無明緣生義等。具如疏文。卽是釋也。功能差別下。更云。如從無明力故。諸行得生。乃至生力故。得有老死。

疏然今經中。欲顯緣起無性。舉前二門。勢用一門。六地廣辨。就二門中。從增勝說。前後互舉。前七許同因位。故名能引所引。後五要因果相望。云能生所生。由此能所引中。但云此有彼有。後文則云。此起彼起。起卽生也。故集論云。謂於因時。有能引所引。於果時。有能生所生。鈔然今經中下。第二會釋經文有五一。正明二門。然此有彼有等。亦兼勢用。正顯二相。故指勢用在於六地。就二門下。二出其影畧。言前後互舉者。謂能所引中。明無作緣生能所生中。明無常緣生。前七許同下。三出生引所以言許同者。據三世義。初二次五過現不同。約二世義。許得同世。但引五種。故不名生。由此能所下。四出此經影畧之由。以前於能所引中。無作義顯。而影取無常能所生中。無常義顯。影取無作。故集論下。五引證生引之相。

疏然文有染淨二觀。初於能引中。明染觀。故云無明有故行有。第二約所引。亦通能所相對。以明淨

601234567897012345678980123456789

觀故云識無故名色無以識通能引。有一種業。一持諸有情所有業縛。謂與行所引習氣俱生滅。故二與名色作緣。謂由識入母胎。名色得增長。今言識無者。卽不爲業熏。不持業縛。故不入胎增長名色。故云識無故名色無。鈔然文有下三釋文。初句標言染淨觀者。六地廣明。謂無明緣行等。前能生後。生死流轉爲染。無明滅行滅等。反本還源爲清淨耳。初能引中下二別釋。卽爲四番。初番可知。第二約所引下。約所引明淨例前亦合云識有故。名色有。前文亦合有無明無故行無以識通引下。

釋上亦通能所引義。正義正取識名色爲所引義。今釋上言通能所引。若識支通能引。名色唯所引。故識與名色是能所引。對於中先反釋經文。約染觀明。然識通能所引者。若取識種爲識支。卽是所引。若取行種爲識支。識是能引。行是能引。故今舉二業。初業是能引以取行習氣爲識支。故實是行種與識俱。故名爲識支。卽集論意。正取業種以爲識支。識種乃是名色支攝。而緣起經通能所引。業種識種俱名識故。識種但是名色所依。非名色故。今第二意。卽是識爲能引。云與名色作緣。謂由識

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

華嚴疏金卷之三

入母胎下。兼顯現行二果。然今下經義通能所。故六地云。於諸行中植心種子。即具二也。其二種業言。卽六地自業助成章中。然彼二業云。識有二種業。一令諸有相續。二與名色作生起因。今取其勢以能所引而爲二業。約持行種。即是能引。約其身體。即是所引。今言識無者。上反釋經。今順釋也。反上二義可知。

疏第三能生所生相對。以明染觀。故云愛起故苦。起苦卽當果愛。卽能生。能生有三舉。初攝末下。明淨觀。舉未攝初。益巧辨影畧耳。第四亦能所生相

對。以明淨觀。謂因亡果喪耳。鈔第三下能生所生相對。上愛取有是能生。生老死爲所生故。疏後之三門皆能所相望。何以無明與行。唯約能引而相望耶。答。欲顯十二支皆有無作無常。一門故於初一位。相次以明。不爾。則謂要四位相望。方得此有彼有。故下之三門。欲顯四位不同。故能所相望。又爲顯能引支中。或二或三。故於前二別爲一段。蓋說智之妙也。鈔後之三門下。料揀初問。然第二門識與名色識。雖有能引之義。正取所引。故三皆能所相對。又爲下重顯前二。相次爲一所。

601234567897012345678980123456789

撰述

華嚴疏金卷之二

以識支是所引。則能引。唯二識是能引。則能引。有三。若識取所引。則上四番而爲三類。初一唯就能引明。第二唯就所引說。三四通能所相對。故顯十二一一相望。皆得此有彼。有此生彼。生等。不必要能引所引。能生所生。相對以明。方有此有彼。有等。故云說者之妙。

何等爲世間法。所謂色受想行識。

疏第二有漏五蘊。蘊者。積聚義。雜集第一云藏果重擔義。而標名世間者。世。卽隱覆義。隱覆勝義故。又可破壞義。三世所遷故。間者。墮虛偽中故。隱覆之法。卽墮虛偽故。世。卽是間然色等蘊。通於無漏出世之義。欲呵毀故。畧舉一分。鈔二有漏下文五一釋總名。已見光明覺雜集藏果等者。卽第二論其藏果義與蘊義大同。重擔與陰覆義大同。然彼論云蘊義云何。答諸所有色。乃至若近若遠。彼一切畧說色蘊積聚義故。如財貨蘊。如是乃至識蘊。釋曰。此卽藏果義蘊藏色等果法耳。言重擔者。論云荷雜染擔。故名爲蘊。如肩荷擔。荷雜染擔者。謂煩惱等諸雜染法。皆依色等故。譬如世間身之一分。能荷於擔。卽此一分。名肩名蘊。色等亦爾。能

601234567897012345678980123456789

撰述

聖嚴正錄卷之二十一

荷雜染故名之爲蘊而標名下。二釋世間世有三義。懸覆名世通爲無爲如世界成就品下。二唯有爲世間世即是間持業釋也然色等下。三料揀言通無漏者謂佛五蘊況因滅無常色獲常色等。兼通無爲今但取有漏有爲蘊不攝無爲義不相應故留於無漏在後段說。

疏云何知之應知三種一知其相謂色以變礙爲相受以領納爲義想者取像行謂遷流識者了別二知其生滅謂生無所從來滅無所至三知其不生不滅謂法本不生今則無滅故力林菩薩云分別此諸蘊其性本空寂空故不可滅此是無生義况知一切法趣蘊蘊卽法界無碍方名真實多聞。

鈔云何知下四釋知相卽大品意前文已引初知相中言色以變礙爲相俱舍第一中色有一義一變壞義論問云始自眼根終乎無表世尊何故說爲色耶答可變壞故名爲色蘊釋曰變者顯利那無常壞者顯衆同分無常論問云誰能變壞謂手觸故等云云卽便變壞廣說乃至畜生等觸此變壞者即是可破壞義一變壞義論云有說變壞故名爲色釋曰變謂變壞礙謂質礙若爾極微應

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

不名色無變礙故此難不然無一極微各處而住衆微聚集變礙義成餘廣如彼雜集亦二義一問云色蘊何相答變現相是色相此有二種一觸對變壞二方所示現觸對變壞者謂由手足乃至畜蟲他所觸對時即便變壞方所示現者謂由方所隨何相示現如此色如是如是色等受以領納者雜集問云受蘊何相答領納相是受故謂領種種淨不淨業所得異熟又唯識云受謂領納順違俱非境相爲性想以取像者卽唯識文下云施設種種名言爲業謂要安立境分齊相方能隨起種種

名言雜集云構了相是想相由此想故構了種種像類所見聞覺知之義起諸言說行以遷流者俱舍云造作遷流二義名行雜集云造作相是行相由此行故令心造作謂於善惡無記品中驅役心故釋曰俱舍二義今取遷流欲訶毀故識以了別者俱舍云識謂各了別論云了別名識此有六種了別不同故名爲識雜集云了別相是識相由此識故了別色聲香味觸法等種種境界况知一切法趣色者卽於第三義中傍況此義亦大品云一切法趣色尚不可得云何當有趣及非趣天台

撰述

聖嚴正錄卷之三

爲三觀釋云初句假次句空後句中然經文但顯性空今疏引意却取一法趣色明事事無礙一中有無量義故是名善巧多聞

疏然諸蘊性性皆遷流隨勝立名行之一種雖標總稱卽受別名又攝法多故鈔然諸蘊性下第
五解妨此卽以通爲別妨釋有二義初一可知又
攝法多者第二釋也因此畧明五蘊攝法多少且
依大乘百法識蘊唯攝八識心王色蘊唯攝十一
種色想受二蘊但攝心所徧行中二數四蘊但攝
二十一法除六無爲蘊所不攝餘七十三皆行蘊

攝故云多也百法已見第一疏抄

何等爲出世間法所謂戒定慧解脫解脫知見

疏第三無漏五蘊亦名無取五蘊然無漏蘊亦有
二類一仍本名亦名色等不與漏相應故名爲無
漏二從已轉立名卽五分法身如今文是欲顯戒
等德是可欣故從極果標以出世理實亦有世間
戒等鈔理實亦有者上五蘊亦有出世間然世
間戒等自有二義一者外道共有十善等戒四禪
等定世智之慧脫下地惑於中知見二者正教之
中亦說十善五戒四禪八定無見慢修欣厭之慧

脫下界縛了見分明而是有漏故名世間。
疏戒定慧三上來頻釋解脫卽是離繫爲名解脫
知見由離繫縛於境自在觀求覺了智論八十八
云戒衆者攝一切戒和合成衆衆卽蘊也餘皆準
之。

疏然卽轉前五蘊成此五分謂轉色蘊成於戒身
表無表戒皆色蘊故轉受蘊而成定名定名正受
入四靜慮出四受故轉想成慧凡所有想皆是虛
妄見相非相見法身故轉行爲解脫無貪等行名
心解脫永斷無智慧解脫故轉識成解脫知見若

與邪受妄想相應謂識依根了別諸境若與正受
智慧相應卽是現量如實知故仁王觀空品云觀
色識受想行得戒忍知見忍定忍慧忍解脫忍卽
斯義也鈔然卽轉下三立所由二先正釋卽智
論及仁王意仁王下引證如次配之居然可了然
新經卽菩薩行品經云復次道種性菩薩修十迴
向起十忍心謂觀五蘊色受想行識得戒忍定忍
慧忍解脫忍解脫知見忍觀三界因果得空忍無
想忍無願忍觀二諦假實諸法無常得無常忍觀
一切法空得無生忍今卽前五文是舊經故次與

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

此不同。

疏知見與慧。此二何別。佛地論第四總有三說。畧舉其一。謂無漏淨戒名爲戒蘊。無漏定慧名定慧。蘊無學勝解名解脫蘊。無學正見名解脫知見蘊。前三是因。後二是果。鈔知見與慧下。四釋妨難。卽相濫難也。佛地三說者。今卽第一釋。二云。一切皆是無礙緣解脫慧。名解脫知見緣解脫慧者。緣滅諦智也。緣餘慧者。緣餘三諦等智。三云。一切通學無學。學位分得。無學圓滿諸佛菩薩皆有五故。疏此五別說。四法爲性。謂定慧勝解及無表色。

鈔此五別說下。五出體以解脫知見及慧約所照異故同是慧。慧卽與想相應解脫知見卽與識相應慧耳。

疏然此五分法身不覆勝義不爲相遷。不墮虛僞。故名出世雜集云。謂能對治三界。無顛倒無戲論。無分別故。是出世間義。鈔然此下六會釋總名。出世所以引雜集證卽上第一論也。

疏問。無取五蘊。卽有爲無漏。何以言不爲相遷。答。約教異故。前是權小所明。若實教定說。非爲無爲。同真性故。但似蘊相現立。以蘊名故。涅槃純陀云。

601234567897012345678980123456789

撰述

華嚴政金卷之一

善覆如來有爲之相應言如來同於無爲。况二融攝。若如是知名爲多聞。鈔問無取下。七會通權實然雜集第三亦云無取五蘊。當言有爲。當言無爲。荅彼不應言有爲無爲何以故。諸業煩惱無故。不應言有爲隨欲現前故。不應言無爲所以者何。無取諸蘊隨所樂欲而現其前無爲不爾。以常住故。釋曰此乃假說雙非。以約體用互奪亦不敢定言無爲也。又言無取五蘊則顯凡夫是有取五蘊雜集云。取蘊者與取合故。取者蘊中諸煩惱也。純陀故實已見玄談。

何等爲有爲法。所謂欲界色界無色界衆生界。

疏第四有爲者瑜伽一百云。有生滅繫屬因緣是名有爲智論云。有所得故。是名有爲。二論心境爲異。今畧舉四事。三界卽所依處。衆生卽能依之者。

鈔瑜伽屬因緣者正理論第一云。有爲者衆緣聚集。其所生故未來未起。何爲有爲。是彼類故。亦有名有爲。如所燒薪於未燒位是彼類故亦名爲薪。或據曾當立名無失。如琴瑟等。名爲有聲亦如乳房蓮華池等諸未生法。不越彼類。故名有爲。其有生滅此語猶畧雜集論云。若法有生滅住異可名。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

華嚴疏金卷之二

三

有爲。一切法皆有爲。唯除法界法。法處一分爲捨執著無常我故。釋曰。此中論答三問。一答云何爲有爲。二一切法下答幾是有爲。三爲捨下答爲何義。故觀有爲今畧舉四者。理實智論大品等廣有多法大品云。何等有爲法。若法生住滅。

此釋有爲

義。欲界色界無色界五蘊。乃至意識因緣所生受。四念處。乃至十八不共法爲一切智。是有爲法。智論釋云。有爲法畧說三相。一所謂生住滅。二三界繫義。三四念處。乃至十八不共法。雖有無爲法。以有作故。是有爲法。無爲相。是無爲法。釋曰。今以十

八不共等屬有記法。故但畧出其四衆生則攝蘊處界也。

疏然所依處隨心成異。故論云。欲所屬界名欲界等。鈔故論云者卽俱舍第八等字等餘二界云。色所屬界名爲色界。無色所屬界名爲無色界。畧其所屬二字。但名欲界等。如言胡麻飲及金剛環飲之與環俱是總名。胡麻金剛並爲別稱。以別依總名胡麻飲及金剛環具足應言。胡麻所屬飲等畧去所屬。但云金剛環等界者總名。欲等別稱。畧去中言云。欲界等論云。此中欲言爲說何法。答畧

601234567897012345678980123456789

說段食姪所引貪。注云。姪貪名貪食名欲。然語猶隱本業上卷云。佛子見著二業迷法界中一切欲心故。欲所起報分爲欲界報。佛子見著二業迷法界中一切色心故。色心所起報分爲色界報。佛子見著二業迷法界中一切定心故。定心所起報分爲無色界報。是故於一法界中有三界果報若更令易見。欲界有男女形。姪欲受身故。色界無男女形。唯有色故。無色界謂無色故。前本業言見著者。彼經說有七見六著。經云。佛子無明者名不了。一切法迷法界而起三界業果。是故我言從無明。

藏起十三煩惱。所謂邪見。我見。常見。斷見。戒見。盜見。疑見。七見見。一切處求。故說見復起六著心。貪。憂。瞋。癡。欲慢於法界中一切時。起一切煩惱。以十三爲本。無明與十三爲本。是以就法界中別爲三界執。卽云見著二業等。如前所引。

何等爲無爲法。所謂虛空涅槃。數緣滅。非數緣滅。緣起。法性住。

疏第五無爲爲者作也。卽前生滅。今虛空等寂寥冲虛湛然常住。無彼造作。故名無爲。瑜伽云。無生滅。不繫屬因緣。是名無爲。智論云。無所得故。名爲

601234567897012345678980123456789

無爲淨名云不墮數故然諸論總名大旨無別。鈔瑜伽下引證如次論對前二義雜集云無生住滅故名無爲不墮數故卽淨名阿難章云佛身無爲不墮諸數數卽有爲餘義但翻上有爲故疏結云諸論總名大旨無別。

疏然其名數開合不同小乘多說三種卽此中初及三四諸大乘中掌珍說四謂加真如意法相論中或說有六復加不動及想受滅謂於擇滅中滅惑障故名爲擇滅滅定障故復加後二或開爲八於眞如中開出三性謂善法真如等漸欲展此真如意如徧諸法故鈔然其下二開合中然小乘多說三種者卽俱舍等論云無漏謂道諦及三種無爲謂虛空二滅而言多者分別論有四一虛空二非擇滅三想受滅四真如意大衆部說九無爲謂三及四空緣起支性聖道支性化地部亦九三外加不動三性道支緣起諸大乘者於小乘三上加真如意或說有六唯識論等廣如下說或開爲八者雜集第一云無爲法有八種謂善法真如意不善法真如意無記法真如意虛空擇滅非擇滅不動及想受滅如是建立八無爲中當知所依有差別故分析真如意

撰述

華嚴疏卷之二

三

三

假立三種不由自性善法真如者謂無我性空性無相實際勝義法界何故真如說名無我由彼自性無變性故謂一切時無我實性無改轉故說無變異當知此則是無我性離二我故何故復說此名空性一切雜染所不行故所以者何由緣此故能令一切諸雜染事悉皆空寂有時說染但是客塵諸相寂靜故名無相無倒所緣故名實際實者謂無顛倒此處究竟故名爲際最勝聖智所行處故說名勝義一切三乘妙法所依故名法界如善真如不善無記當知亦爾餘如彼論言漸欲下疏

出論意

疏此經說六於擇滅中開出涅槃二道別故復加緣起顯無一事不卽真故畧無二定未究竟故鈔此經說六下第三釋文於中二先總明有無疏言虛空者離諸障礙無物所顯故鈔言虛空下二別釋多用唯識有六無爲卽爲六段初虛空釋語全是由法疏意卽唯識依性假施設有義彼論先釋法性云謂空無我所顯真如有無俱非心言路絕與一切法非一非異等是法真理故名法性離諸障礙故名虛空釋曰彼論明法性空但言

離諸障礙。百法兼取外空。云無物所顯故。俱舍云。此中空無礙。

疏二。涅槃者。古有二釋。一云性寂滅故。此卽性淨。涅槃。涅槃三十四。亦同此說。此與擇滅顯未顯殊。一云卽性淨之果。此卽解脫道後。擇滅乃在無間道中。然大乘非擇滅。旣約性淨。又下說法性。則後解爲正。鈔二。涅槃者。涅槃卽同擇滅。先明性淨。乃傍出異義耳。涅槃三十四者。此卽刊定記釋。謂同此經所說虛空及涅槃也。故涅槃經。釋緣生四句中云。有非緣生。非十二因緣者。謂虛空涅槃是也。此則同性淨義。後義爲正。云性淨之果。卽圓淨涅槃。應有問言。若是果者。何殊擇滅。由因果殊。故分二道。所以第一總明中。以此義爲正。云於擇滅中。開出涅槃。二道別故。然其大乘下。斷上二義。則後解爲正者。若唯識解。非擇滅。云不由擇力。本性清淨故。

疏三。數緣滅者。數謂慧數。由慧爲緣。揀擇諸惑能顯滅理。故唐三藏譯爲擇滅。謂擇力所得滅。名爲擇滅。然此滅言。有其二義。一理性寂滅。此從所顯得名。二因滅惑顯。名理爲滅。則從能顯得名。鈔

撰述

華嚴疏金卷之

三數緣滅下。故唐三藏出其異名擇力所得者是俱舍論釋故彼喻云如牛所駕車名曰牛車畧去中言故作是說。但云擇滅唯識釋云由揀擇力滅諸雜染究竟證會故云擇滅然此滅言下別釋滅字此二義稱滅若兼能滅之智智亦稱滅。

疏四非數緣滅者非由慧數滅惑所得但以性淨及於緣闕之所顯故鈔四非數緣滅者故唯識云不由擇力本性清淨及緣闕所顯名非擇滅釋曰論存二義初義異小故上疏文取爲楷定言緣闕者俱舍論云畢竟礙當生別得非擇滅下釋中

云言當生者當來生法緣會則生緣闕不生於不生時得非擇滅此非擇滅礙當生法令永不起名畢竟礙言別得者謂非擇滅有實體性緣闕位中起別得故非擇滅得不因擇滅但由緣闕名非擇滅論指事明云如眼與意專一色時餘色聲香味觸等謝緣彼境界五識身等住未來世畢竟不生由彼不能緣過去境緣不具故得非擇滅釋曰謂眼緣色時亦合緣聲等以專注色故耳等不緣聲等同時聲等刹那已謝故令緣聲等識更不復生以前五識唯緣現量不緣過未而言觸等者等取

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

法中有與能緣同時爲所緣境者如他心智所緣境是也此他心智唯緣現在心王亦合緣心所以專注心王故於心所得非擇滅故

疏五緣起者有別有通別謂十二因緣故分別論者大衆一說雞鶴化地說出世部皆立十二緣起以爲無爲彼意以其次第作緣恒無雜亂故說爲常有佛無佛此法自爾名曰無爲故智論三十二云聲聞法中亦說法性實際故雜阿含中說有一比丘問佛十二因緣爲是佛作爲是餘人作佛告比丘我不作十二因緣亦非餘人作有佛無佛諸

法如法相法位常有所謂是事有故是事有等涅槃亦說卽是無爲遠公云就人論法三世流轉是其有爲廢人談法法相當定故曰無爲望今經意緣起無性故曰無爲大品云菩薩觀十二因緣如虛空不可盡涅槃云十二因緣卽是佛性雖舉十二因緣卽已攝陰界諸法鈔智度下引大乘論證成上義此中論文先有問云聲聞法中何不說法性實際而摩訶衍中處處說耶答聲聞法中亦說下與疏同玄中已引涅槃亦說下三引大乘經立無爲義先引涅槃卽北經迦葉菩薩品第三十

撰述

聖嚴疏金卷之

四

四經而爲品初南經三十一北經半卷向後列二十一諍論此卽第六經云或說十二因緣是有爲法或有說言十二因緣是無爲法至第三十五方釋經中具云善男子我經中說云何名爲十二因緣從無明生行從行生識從識生名色從名色生六入從六入生觸從觸生受從受生憂從憂生取從取生有從有生生從生有老死憂悲苦惱善男子我諸弟子聞是說已不解我意唱言如來說十二因緣定是有爲我又一時告喻比丘作如是言十一因緣有佛無佛性相當住善男子有十二因緣不從緣生有從緣生非十二因緣有從緣生亦十二因緣有非緣生非十二因緣有十二因緣非緣生者未來世十一支也有從緣生非十二因緣謂阿羅漢所有五陰有從緣生亦十二緣者謂凡夫人所有五陰有非緣生非十二因緣者謂虛空涅槃善男子我諸弟子聞是說已不解我意唱言如來說十二因緣定是無爲釋曰若經中言爲與無爲俱不解意若遠公釋各有所以然有二意今疏是第一意第二意云真就因緣事中現在之者名曰有爲在未來者未現起用名曰無爲釋曰後

支那
喜慶疏少卷二十一
望

東京大学総合図書館所蔵

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

聖嚴疏金卷之

三

釋順經後四句意。前釋順經初意及智論等意。望今經下疏第四出今意次言大品云下引他經證成上正義此卽中論青目所引釋初因緣不生之義。涅槃又云者復引涅槃重成上義。卽北經三十二師子吼品經云善男子無明不能吸取諸行行亦不能吸取於識也亦得名爲無明緣行。行緣識有佛無佛法界常住若言佛性住衆生中者善男子常法無住若有住處卽是無常善男子十二因緣無定住處若有住處十二因緣不得名常如來法身亦無住處法界法入法陰虛空悉無住處佛

性亦爾都無住處次下又云佛性者名十二因緣何以故以因緣故如來常住一切衆生定有如是十二因緣是故說言一切衆生悉有佛性。十二因緣卽是佛性佛性卽是如來釋曰此上經意正取十二因緣之性以爲佛性故是無爲文中雖舉下第二通釋難云若緣起無性卽無爲者諸蘊界等豈有性耶故爲此通則意無不該是故上引涅槃云法界法入法陰虛空卽說三科皆無住處同佛性也。

疏六法性住者卽真如也謂非妄倒故名真如又

支那

華嚴疏金卷之二十一

三

真

撰述

聖解金言卷之

三

四

真實如常揀妄揀事於一切位恒如其性而云住者離遷變故與法爲性是隨緣義復云住者是不變義卽妄卽真事皆如矣若準智論法性法住各是一義云云卽爲七法鈔法性住者卽真如也顯此法性卽唯識等真如異名耳謂非妄下別釋其名初釋真如自有二義初合釋唯揀於妄二離釋卽唯識云真謂真實顯非虛妄如謂如常表無變易是故疏云揀妄揀事二釋法性名唯識偈云此諸法勝義亦卽是真如常如其性故卽唯識實性是也次釋住字亦有二義一連上釋之則三字

一名謂上之二釋順法相宗加此住字順法性宗法性爲隨緣住字爲不變以隨緣不失自性故二義旣具卽妄卽真故是法性宗義若準智論下別釋取上法字及下住字自爲一義成七無爲則法字兩用

疏然小乘說三虛空則就外空復計三皆實有若大乘說非唯數增義亦有異唯識論中二義建立一唯心變故二依法性假施設有謂此諸義但一真如隨義假設一無相義二所證義三惑盡義四性淨義五隨緣義六隨緣卽不變義鈔然小乘

下對揀權實初舉小乘。若大乘下舉大斥小。非唯數增已。如前說義亦有異。次下正明小乘之義。畧如上說廣。如唯識廣引廣破。唯識論下正辨大乘無爲之相。卽第二論中先破諸小乘宗等。計於無爲爲實有竟顯正義云。然契經說有虛空等諸無爲法。畧有二種。一依識變假施說有。謂曾聞說虛空等名。隨分別有虛空等相。數習力故心等生時。似虛空等無爲相現。此所現相前後相似。無有變易假說爲常。釋曰。此空無爲而無本質。唯心所變。猶如極微假而無體。於佛等處聞其名故而心論文。

變之次論復云。二依法性假施設有。謂空無我所顯真。如有無俱非。心言路絕。與一切法非一非異等。是法真理故。名法性離諸障礙。故名虛空。由揀擇力減諸雜染究竟證會。故名擇滅不由擇力。本性清淨或闕緣所顯故名非擇滅。苦樂受滅故名不動。想受不行。名想受滅。釋曰。疏取論意以釋經文。但順經有不順論有。上釋非擇有其二義。依此論文。

疏此中法性卽是真如。然法性真如亦假施設。遮撥爲無。故說爲有。遮執爲有。故說爲空。勿謂虛幻。

撰述

華嚴疏卷之二

故說爲實理。非妄倒故。名真如爲法之性。名爲法性。非離色心別有實體。今多聞之人。不唯知名而已。應如是知。鈔五出體性。卽彼論示無爲體論云。此五皆依真如假立。真如亦假施設。下至故名真如。皆是論文爲法之性。故名法性。是疏義加亦卽前文唯識論意。非離色心別有實體者。取論意結具足論云。不同餘宗離色心等。有實常法。名曰真如。故諸無爲非定實有釋曰。言真如亦是假者。不得體故。遮空見者。說如爲有。遮小乘中化地部等。執定實有。故說爲空。非言無爲體。卽空也。勿謂

虛幻者虛揀徧計幻揀依他。卽顯真如是圓成實以無虛妄顛倒法故。名真如也。

何等爲有記法。謂四聖諦。四沙門果。四辨。四無所畏。四念處。四正勤。四神足。五根。五力。七覺分。八聖道分。疏第六有記法者。有釋云。謂能招慶非慶果。故名有記。此乃通說。餘處辨記。卽是善惡今唯舉善。應云順理善法可記錄故。鈔第六有法中二先釋總名。先敘昔卽刊定記。大品亦云。若善法若不善法。是名記法。如所說相不捨離故。此乃通說。下辨非。以下無記旣非三性。今此有記。安得無之後。今

撰述

卷之二

七

七

唯下辨正

疏下出所記法體句有十一義攝唯五四聖諦。如前本品已辨四沙門果如梵行品四辨如第九地三十七品如第四地。鈔下出所下辨相先指所餘如前後釋不欲繁文。

疏四無所畏今當畧明謂外難無怯故名無畏。瑜伽云如來於此謗難都不見有如實因相由是因緣能自了知坦然無畏無畏爲四。一一切智無畏二漏盡無畏三者障道四出苦道。鈔四無畏義下唯釋此一言今當畧明者諸經多以五門分別

一辨名二出體三行相四次第五諸門今疏但有三門畧無出體次第卽分爲三初釋名二辨相三諸門分別初中有二先總名上二句指文都不見有如實因相者謂其所難皆就跡生疑不知所觀真實之理故此所難無如實因若實有可難則有怯畏所難不實何所畏耶無畏有四下二釋別名文中但列而不解釋釋名含在下行相中故此畧無若具釋者一一切智無畏者瑜伽亦名正等覺煩惱漏種現俱斷故三障道者亦名障法說障礙無畏謂有正覺覺諸法故名一切智二漏盡者諸

撰述

聖嚴正錄卷之一

法渠必有障故。四出苦道者。說出離道。諸聖修習。決定出苦故。於此四中。得無所畏。皆依三王釋。謂一切智之無畏等。

疏此四各有難答。初外難云。若佛是一切智者。有諸比丘從他方來。何須問言。安樂住不。言一切智無所不知。今問於他。一何相反。佛自唱言。我是。一切智人。但爲攝受來者。隨順世間師弟人事故。鈔此之四段下。二辨相初。一切智無畏難。有二初牒舉所難。二有諸比丘下。正難於中。先出難所。因謂諸部律中。多有此言。時諸比丘至如來所。頭

面禮足。佛便問言。比丘住止安樂不。乞求易得。不以飲食爲苦耶等。今云何故問者。卽是難也。言一切下。結成難也。佛自唱言下。答也。於中先按定所難明。不失一切智義。若具皆云。我於此難。正見無由。得安隱住。無怖無畏。自稱我是大仙尊位。但爲攝受下。出是一切智之所以。示現問耳。非已不知。言攝授者。令發勝心。聞佛慰問。發道心故。隨順世間師弟人事者。此有二意。一者成上示現之相。二者亦令餘人審諦於事。佛知尚問。況餘不知。亦爲後人作軌則。故見來發心。應爲引攝。故云隨順。

601234567897012345678980123456789

世間

疏二有難云。若佛自言漏永盡者。何以處語羅睺。呵罵調達。佛於此難。正見無由。安隱無怯。自唱德號。我實漏盡。但爲隨根而調伏故。鈔二有難云。下第二無畏先難。中文但有二。先牒舉所難。謂經中說言。我諸漏已盡。何以處下。正難。難之所因。含在其中。謂羅睺羅被僧驅出。在於廁上。佛語諸比丘言。云何野干驅師子子。即處語羅睺調達。頻爲惡行。佛時罵言。癡人。或云食噉小兒等耶。佛於此難下。亦先按定所難。不失漏盡之義。但爲隨根而

調伏故。卽出處患所以。謂羅睺譬之慧象。隨逐人。心軟言卽調。調達喻之惡馬。楚毒方調。非是如來。有處羅睺。有恚調達漏未盡也。

疏二有難云。若佛說欲能障道者。何故預流一來。尚有妻子之處。佛於此難。心無怯懼。謂自唱德號。我說欲能障道。但障不還羅漢。非初二果。鈔佛於此下答中亦二。先按所難。不失欲爲障道。若具。亦應云。我於此難。正見無由。安隱無怯。處大仙位。故云自唱德號。我所說下。出不障。所以若說邪行。障諸聖道。若說畜妻。障離欲道。初二果人性戒久。

撰述

金剛經卷之二

四

五

成故斷邪行。既未離欲。不斷妻子。斯有何失。故諸染法。非不障也。

疏四有難云。若佛說諸聖道能盡苦者。何故羅漢受瘡潰蛇蟄之苦。佛於此難心無怯懼。自唱德號。我說聖道實能盡苦邊際。但說未來。非現在故。鈔四有難下。第四無畏先難亦二。先牒所疑。謂如說我爲弟子。說出離道。諸聖修習。決定出離。決定通達。何故羅漢下。正難既瘡潰蛇蟄。豈非苦耶。羅漢豈是無聖道耶。豈非相違。佛於此難下答亦應具云。我於此難正見無由安隱無怖處大仙位。我說聖道下。通前難。然有二意。一者由於前世故業感身。於此身上得阿羅漢苦。依身在故。有此苦。不得羅漢後。有此苦。卽今疏意。更有意云。無學實無苦果。爲現惡因。必有苦報。由此聖者示相受苦。起後教故。亦猶世尊受金鎗等。示義非實。故疏畧無。疏四中初一離所知障。次離煩惱障。二是出離道障。四卽出離之道。初二自利。後二利他。所以自歎此四者。初一爲菩薩。第二爲聲聞。後二通爲智論。二十五瑜伽五十對法。十四廣辨其相。鈔四中初一下。第三諸門分別。卽瑜伽論文三。初約離障。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

言二是出離障道者。欲爲道障。今出離故。四是出離之道者。諸出離道能出於苦。然其後二並約離煩惱障。三是所離之障。四是能離之道。而三就離因爲難。四就離果爲難。亦可後二通約因位。初二自利下二利料揀。然約答難。並是利他。如次下明。今約前二就佛身難。是約自利德嘆。後二約化他爲歎。故云利他所以歎此下三彰歎所以亦約被根差別。則是皆利義。菩薩爲求種智。斷所知故。初一爲之二乘求盡諸漏。第二爲之欲皆障於三乘三乘皆期出苦。故後二並爲智論二十五下總示。

其源然菩薩藏經第五般若五十三顯揚第四亦廣明之。此中卽有次第出體言次第者。德用自在智最勝故。首而明之。由具一切智能盡諸漏。由具智斷說法化生說法之中。先說生死因後出生死。故而此一門卽前二利門中已攝此意。若瑜伽對法出苦爲第三障道爲第四。先果後因亦如苦集。又依上次者卽倒對四諦。謂一切智約真道爲難。二約真滅爲難。三約集因。四約苦果。未見經論。義必應然。若出體者總有五種。一尅性體卽信進念定慧爲體。二引發體。若定若慧。三最勝體卽正體。

撰述

華嚴疏錄卷之二

三

後得二智。四中初一通二智。二卽正體。三四皆後
得以是說法心故。若約自住。四皆正體。約能答難。
此四並以後得爲性。四相應體。四蘊爲性。五眷屬
體。五蘊爲性。亦猶十力道共定共無表戒色助答
難故。上之四體。卽瑜伽五十七及雜集說。瑜伽云。
以信進念定慧。及具知根爲性。對法云。若定若慧。
及彼相應諸心心所。又云。若起作用。後得智爲性。
若住自性。正體智爲體。第五亦以義加。又無畏若
約德。初卽智德。二卽斷德。三四恩德。今就能知。並
智爲體。餘義可知。

何等爲無記法。

疏第七無記中分二。先徵名。後謂世間下辨相。
今初無記二義。一非善非惡。不能招感。愛非愛。果
名爲無記。可釋餘文。今此正謂虛妄推度。非理問
難。不可記錄。故名無記。非對善惡。故俱舍第十九
云。諸契經說十四無記。卽其義也。亦名置記。記卽
答也。不應答故。鈔第七無記初徵名四。一釋總
名。刊定亦立二義。而以前義爲正。今依諸論。以後
爲正。俱舍第十九中。第二明無記中。自分爲二。一
明無記報。二因便明四記。前卽對善惡之無記也。

撰述

香齋疏解卷之一

三

七

廣如彼論。第二別明四無記事。頌曰。應一向分別反詰捨置記。如死生殊勝我蘊一異等。釋曰。上兩句指事釋之。且問記有四。一應一向記。二應分別記。三應反詰記。四應捨置記。記者答也。如問死者。一切有情皆當死不應一向記。一切有情皆定當死。如問生者。一切有情皆當生不應分別記。有煩惱者受生無煩惱者不生。如問殊勝應反詰記。有作是問人爲勝劣。應反詰言爲何所方。若言方天。應記人劣。若言方下。應記人勝。釋曰。下卽惡趣論。如問我蘊一異者。應捨置記。謂若作是問我與五

蘊爲一爲異。應捨置記。此不應問。若有我體可問。一異本無我體。一異不成。如問石女生兒爲白爲黑。應捨置記。謂石女本無兒。何得論其白黑。此上依毘婆沙說。頌言等者。等取發知本論及契經說。今當敘經云。云何有問應一向記。謂諸行皆無常耶。此問名應一向記。云何有問應分別記。謂若有問諸有故思造作業已。爲受何果。此問名爲應分別記。造善受人天。造惡受惡趣。謂若有問士夫報與我爲一爲異。假我色蘊應反詰言。汝依何我作如是問。答言依龕我。色蘊應記與報異。報色不同。此問

撰述

華嚴疏金卷之一

名爲應反詰記。云何有問但應捨置答。若有問世爲常。一問無常。二問亦常亦無常。三問非常非無常。四問世爲有邊。五問無邊。六問亦有邊亦無邊。七問非有邊非無邊。八問如來滅後爲有。九問非有。十問亦有亦非有。十一問非有非非有。十二問爲命者卽身。十三問爲命者異身。十四問此問名爲但應捨置。此十四問皆不可記。名十四不可記事。以我體旣無。是故皆應捨置答也。涅槃三十五亦有四答。而一名小異。謂從經一半向後。因迦葉難佛性義有無。如來答云善男子。如來爲衆生故。

四種答。一者定答。二者分別答。三隨問答。四者置答。如問作惡得何果耶。應答得苦果。是名定答。二善男子。如來十力四無所畏。大悲三念處。首楞嚴等八萬億諸三昧門。三十二相。八十種好。五智印等。三萬五千諸三昧門。金剛定等四千二百諸三昧門。方便三昧。無量無邊。如是等法。是佛性者。如是佛性。則有七事。一常。二我。三樂。四淨。五真。六實。七善。是名分別答。如汝先問斷善根人。有佛性者。亦有如來佛性。亦有後身菩薩佛性。是二佛性障未來。故得名爲無必定得故。得名爲有。是名分別答。

三經云。如我所說。一切法無常。復有問言。如是世尊。爲何法故。說於無常。答言。爲有爲法故。無我亦爾。爲何法故。說一切燒爲煩惱。故是名隨問答。四經云。若有說言。斷善根人。定有佛性。定無佛性。是名置答。下迦葉難云。不答名置。如來今者。何因緣答而名置佛答云。善男子。我亦不說置而不答。名爲置答。善男子。置答復二。二者遮止。二者莫著。以是義故。得名置答。釋曰。據上諸文明。是不答以爲無記。非善惡中之無記也。據十四難。正同俱舍。準涅槃意。今文正當爲遮止義。兼令莫著。

疏所以不答者。何謂此乃無義語也。知之不免生死。不知不障涅槃。前說有記。則反於此。智論第三云。所以不答十四難者。此事無實故。諸法有常。無此理故。言斷亦爾。如有人問較於牛角。得幾升乳。豈曰問耶。復次世界無窮。猶如車輪。復次無利有失。墮惡邪中。覆於四諦諸法實相。復次人不能知。復次稱法說故。第十七云。有一比丘。思唯十四難。不能解。辭佛不爲弟子。佛言我爲老病死人。說法濟度。此是闡詮法。如中毒箭。不應推尋。楞伽亦云。皆是世論。非我所說。鈔智論第三下。正引論釋。

撰述

華嚴疏錄卷之一

三

先引第三有五復次。多同答十四難。兼經中諸無記法。如第一無實事故。正答十四。第二如車輪。卽答何等爲生死。最初際。第三無利有失。兼答世界來去等。以從集因生。歸寂滅理。妄徵來去。卽覆四諦。第四人不能知。兼答有幾佛。幾衆生。以佛智知無盡法故。第五復次。兼答佛等先後。通意可知。第十七下。一引此文。卽引昔例。今其文稍畧。具云有一比丘。於十四難。思惟觀察。不能通達。心不能忍。持衣鉢至佛所。白佛言。佛能爲我解此十四難。使我了者。當作弟子。若不能解。我當更求餘道。佛言。

痴人汝共我要誓。若答十四難。汝作弟子耶。比丘言。不也。佛言。汝痴人。今何以言。若不答我不作弟子。我爲老病死人說法濟度。此十四難是鬪諍法。於法無益。但是戲論。何用問爲。若爲汝答。汝心不了。至死不解。不能得脫生老病死。譬如有人。身被毒箭。親屬呼鑒。欲爲出箭塗藥。便言未可出箭。我先當知汝姓字。親里父母年歲次。欲知箭出在何山。何木。何羽。作箭鏃者。爲是何人。是何等鐵。復欲知弓。何山木。何蟲角。復欲知藥是何處生。是何種名。如是等事。盡了知之。然後聽汝出箭塗藥。佛問

撰述

華嚴疏錄卷之一

比丘。此人可得知此衆事。然後出箭不。比丘言。不可得知。若待盡知。此則已死。佛言。汝亦如是爲邪見箭。愛毒所塗。已入汝心。欲拔此箭。作我弟子。爲不欲拔箭。而欲求盡世間常無常。邊無邊等。求之未得。卽失慧命。與畜生同死。自投黑暗。比丘慚愧。深識佛語。卽得阿羅漢道。復次菩薩。欲作一切智人。推求一切法。知其實相。十四難中。不滯不礙。知其是心重病。能出能忍。是名法忍。釋曰。卽疏下文引論廣破及經結多聞之意是也。論文引毒箭之喻。與涅槃大同。前已引竟。楞伽亦云下。卽第三經。

佛令慎勿習近世間諸論。舉昔有婆羅門來問我。云瞿曇。一切所作耶。我答婆羅門言。一切所作是初世論。彼復問言。一切非所作耶。我復報言。一切非作是第二世論。復問言。一切常耶。無常耶。生耶不生耶。我報言是六世論。復云。一耶異耶。俱耶。不俱耶。一切因種種受生現耶。我報言十一世論。廣說云云。我言悉是世論。非我所說。是汝世論。我唯說無始虛偽妄想攀緣外性。彼復問意癡。覺知自心現量。而生妄想攀緣外性。彼復問意癡。愛業因故。有三有耶。爲無明因耶。我報言此二者。

60 1 2 3 4 5 6 7 8 9

亦是世論。彼復問言。一切法皆入自相共相耶。我復報言。此亦世論婆羅門乃至意流妄計外塵。皆是世論。又問頗有非世論不耶。佛答意云。外道中無我論中有非世論汝諸外道不能知。以外性不實妄想虛偽計著故。謂妄想不生了覺有無。自心現量妄想不生不受外塵妄想永息。是名非世論。此是我法。非汝有也。偈中云。乃至心流轉。是則爲世論。妄想不轉者。是人見是心來者。謂事生去者。事不現明了知去來。妄想不復生解曰。前偈無妄見後偈了知妄滅據今經文正明是前文一段所

有妄計。其再問癡愛因緣等雖是正義不了自心故爲世論。故智論云。覆諸法實相亦卽涅槃通遣著意。

疏言十四者。卽此中前四句。其第四四句。但合爲一。謂身與神一。身與神異。鈔言十四者下。第三示十四相可知。若歷五蘊三世成六十二見。對前已說。

疏然諸經論多說十四難。而相或同異。不繁會釋。今經委論不出我法二執。鈔然諸經論下。第四總會異說。言相或同異者。多同少異。諸處亦說。名

0 1 2 3 4 5 6 7 8 9

十四不可說俱舍十九已如上說正與此同智論十七卽釋大品大品二十一佛母品云復次須菩提因般若波羅蜜諸衆生心數出沒屈伸如實知世尊云何知之佛言一切衆生心數出沒屈伸皆依色受想行識生佛於如是中知衆生心數出沒屈伸所謂神及世間常是事實餘妄語是見依色神及世間無常等三句準知及世間有邊是事實餘妄語等四句準知皆是見依色末云依受想行識亦如是神卽是身是見依色等異身亦然依受想行識亦然又云死後有如去是事實爲妄語

是見依色二死後無如去三死後或有如去或無如去二句同初結云依受想行識亦如是釋曰斯卽歷蘊諸句小異耳涅槃三十九先尼梵志問有我耶無我耶等廣有問難亦是小異之相繁不出之

謂世間有邊世間無邊世間亦有邊亦無邊世間非有邊非無邊世間有常世間無常世間亦有常亦無常世間非有常非無常如來滅後有如來滅後無如來滅後亦有亦無如來滅後非有非無我及衆生有我及衆生無我及衆生亦有亦無我及衆生非有非

601234567897012345678980123456789

撰述

聖嚴正錄卷之一

七

七

無。

疏文分五段。第一有四句。就我明無記。第二過去下就三世橫論。凡聖數之多少。三何等下。約凡聖暨論初後四世間從何下。徵三世間所從。五何者下。約生死際畔以辨無記。鈔文分五段下。第二辨相便有釋文。就常等破。皆中論意。

疏今初句雖十六。其過不出斷常。言世間者。準大品中通三世間。謂衆生世間。五蘊世間。及器世間。今此文意。正顯衆生世間。兼明五蘊世間。以衆生是總主假者。外道計以爲我。故有邊等諸見。初有邊四句。約未來世。常等四句。約過去世。如來有無。依涅槃起。故中論邪見品云。我於過去世爲有爲。是無世間常等見。皆依過去世。我於未來世爲作爲無作。有邊等諸見。皆依未來世。涅槃品云。如來滅後有無等。依涅槃起。我及衆生有無四句。約現在說。鈔今初段中句雖十六下。釋此第一就我明無記。先辨見所依。後正釋文。今初有三。一明不離斷常。言世間下。二明世間同異。明見依我起。準大品者。卽上二十一經。而三世間。是智論釋。論云。世間有種等。餘如疏辨。初有邊四句下。三釋此我

撰述

華嚴疏鈔卷之一

七

三

不同不出三世。涅槃爲起見處。就引中論。邪見品云。我於過去世等者。偈首之我。卽今世我。意問今世之我。於過去世爲先已有。爲先未有。若先已有。卽是計常。若先是無。今此雖起。卽是無常。三則雙立。四則雙非。邊等諸義。次下當釋。中論涅槃品偈云。滅後有無等。無邊等常等。諸見依涅槃。未來過去世。釋曰。此卽總示所依。依前別配可知。

疏旣知起見之本。次隨文別釋。卽爲四段。第一四句。言有邊者。卽斷見外道。計我於後世。更不復作。則與此身俱盡。無邊者。謂我於後世。更有所作。

三俱句者。身盡故有邊。我不異故無邊。四俱非句者。亦以我存。身盡見上有過。故立此句。謂身盡故非無邊。我存故非有邊。旣皆邪見。故不答之。若欲破者。初之二句。墮無後世過。謂有邊則與陰同盡。無邊則是今身。故皆無後世。無後世者。修道苦行。爲何益耶。第三句亦有邊無邊者。若身盡我存。身我爲一爲異。一則不應有盡不盡異。則離蘊。何相知有我耶。若謂捨人生天。人分猶在。天分更增。則半天半人。故皆不可。第四句非有邊。未免於無。非無邊。未免於有。云何於此強分別耶。鈔第一四

撰述

華嚴疏錄卷之二

空

雲

句者。然論先明常等。後說邊等。廣破常等。例破邊等。今順經次。先明邊等。文中有三。初辨四句之相。卽前偈中。我於未來世。爲作爲無作。初以無作爲有邊。而是斷見外道。亦先偈首之我是今世。我四句之相。疏文自明。旣皆邪見下。二明無記義。卽出不答所以也。若欲破者。初之二句。皆墮無後世過者。合破二句。論云。若世間有邊。云何有後世。若世間無邊。云何有後世。釋曰。有邊則後無續。故無後世。無邊則是今身。故無後世。有邊則斷。無邊則常。無後世者下。出無後世過。亦卽斷常過也。論又云。

五陰常相續。猶如燈火焰。以是故世間不應邊無邊。前出過破定。有定無故墮斷常。今立理破。如焰從緣。不可爲無。無定實故。不可爲有。故離二邊。又前破人我。此破法我。今經正破人我。故不引破法。又論反破云。若先五陰壞。不因是五陰。更生後五陰。世間則有邊。若先陰不壞。亦不因是陰。而生後五陰。世間則無邊。釋曰。此亦正破五陰世間。五陰和合爲衆生世間。旣破五陰。卽破衆生。衆生卽假我故。上云外道依之計我。今破五陰。亦已破我。又上二偈。亦別破二句。亦兼明第三俱句。第三句等。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

華嚴疏錄卷之一

三

四

者。然論廣破常等後例邊等。故論云。我於未來世爲作爲不作。如是之見者。皆同過去世。然破邊等無有身一異破。身一異破。即是前破常等。今依論例破。故取前勢。若論破第三句云。若世半有邊。世間半無邊。是則亦有邊亦無邊不然。彼受五陰者。云何一分破。一分而不破。是事則不然。受亦復如是。云何一分破。一分而不破。釋曰。前偈破衆生。即是遣我。後偈破受陰。即是破法。然俱是相違破。無有一法亦常無常故。此相難見。故疏取前破常等例。前破常偈云。若謂我卽是。而身有異相。當知離

於身。何處別有我。離身無有我是。事爲已成。若謂身卽我。若都無有我。但身不爲我。身相生滅。故釋曰。此則破常等以一異門。今將例破邊等四句也。若謂捨人生天下。遮救。卽論正破邊等之意。然偈云。若天卽是人。則墮於常邊。天則爲無生。常法不生。故若天異人者。是卽爲無常。若天異人者。是則無相續。釋曰。前偈破常。卽破無邊。後偈破斷。卽破有邊。次偈云。若半天半人。則墮於二邊。常及於無常。是事則不然。今疏卽影公取偈之意。捨人生天下。人分猶在天分更增等上。卽縱立。則半天下。正破。

撰述

華嚴疏錄卷之二



結言畧明故皆不然不然之由卽如偈文亦常無常二相相違猶如水火義無並立第四句下論但躡前破云若有邊無邊是二亦應成釋曰此卽縱破亦相待破有第三句可待對此有第四非有邊無邊句以有無相待故今無第三之源何有第四之末疏中卽出過破非有遮有故未免於無非無遮無安得離有故還成亦有亦無無第四俱非之義以皆執取非中道故云何於此下結斥邪見

疏二常等四句約過去者過去世我卽是今我名之爲常若常卽有大過破壞因果涅槃等故若謂

我今始生名爲無常若爾我是作法亦墮無因無因則亦無涅槃等第三見上二過便謂我常身無常離身何處有我又成上二過第四謂我不異故非無常身有異故非常破同第三句又中論云一切法空故何有邊無邊及常等見餘義廣如彼論鈔二常等四句者上破邊等先出四句後方別破今則常句便立便破初常句中先立然前問偈云我於過去世爲有爲是無卽問今之現我過去先已有耶今初句云有故過去世我卽是今我也論初常句云過去世有我是事不可得過去世中

撰述

華嚴疏錄卷之一

七

四

我不作今世我若言常者卽有大過等者出過破
也卽彼長行云先世中我不作今我有常過故若
常則有無量過何以故如人修福因緣故作天然
後作人若先世我卽是今我者天卽是人以罪業
因緣故作旃陀羅後作婆羅門若先世我卽是今
我旃陀羅卽是婆羅門等若謂我今下卽第二句
亦先立後若爾下破有二種破先因緣破緣作是
無常法立我常故二墮無因故故論云過去我不
作是事則不然過去世中我異今亦不然若謂有
異者離彼應有今我住過去世而今我自生如是

則斷滅失於業果報彼作而此受有如是等過先
無而今有此中亦有過我則是作法亦爲是無因
釋曰此中初二句牒計總非次二句標有異過次
二偈二世相對以辨異過末後一偈獨就未來以
彰其過上二句標下二句顯第三句由今始有故
成作法卽墮無常次句指同前非云亦是也前失
業果卽是無因今我自生豈非無因第三見上下
謂見前二過便卽雙立從離身下破卽前所引偈
中卽離門又成上二過者亦常同初句亦無常同
第二故第四句但翻用前句而立破則還第三論

撰述

華嚴疏錄卷之一

全

偈但云。如過去世中。有我無我見。若共若不共。是事皆不然。又中論云下。卽品末之偈。總結上過。示以性空。末後又偈云。瞿曇大聖主。憐愍衆生故。悉斷一切見。我今稽首禮。卽總結一品也。

疏三。如來滅後四句。釋有二義。一明如來者。非是佛也。如卽相似來。謂從前際來。謂一有執云。如從前世來。生此間去向後世。亦復如是。故云如來滅後。有謂如前來時有故。此由計我異陰故。二云。如從前世來此間死後。斷滅故。云如來滅後無。謂不如來時去故。此計陰我一故。三由計我有麁細故。

謂麁我與身俱盡。故云不如去。細我異陰。不同滅故。亦如來時而去故。云如來滅後亦有亦無。四云。我如虛空體無來去。故晉經云。如來滅後。如去不如去等。此則通望三世。以辨若依中論附涅槃起四句。如來卽佛也。順此經文。亦是外道自立已師而爲如來。有謂如來滅後定有不變。或謂入無餘依。同於太虛。或謂法有應無。或謂約應非有。約法非無。以其四句皆成戲論。不見如來寂滅相故。亦爲邪見。此則權小之徒未能免也。瑜伽八十七云。依二道理。如實隨觀。俱不可記。如來滅後。若有若

無所以者何。且依勝義彼不可得。况其滅後或有
或無。若依世俗爲於諸行。假立如來爲於涅槃。若
於諸行如來滅後無有一行流轉可得。爾時何處
假立如來既無如來何有無等。若於涅槃涅槃唯
是無行所顯。絕諸戲論。自內所證。絕戲論故。施設
爲有。不應道理。亦復不應施設非有。勿當損毀。施
設妙有。寂靜涅槃。又此涅槃極難知故。最微細故。
說名甚深。種種非一。諸行煩惱斷所顯故。說名廣
大現量。比量及正教量所不量故。說名無量。鈔
三如來滅後下前明見所依。從其後義云。依涅槃。

起而其前義通。依三世我陰而起。順於晉經。若依
中論下第二意。於中一二先定見所依。及如來不同。
以外道自謂勒沙婆等。是世尊。是如來故。故百論
中敘德相形。言優樓佉等。亦是世尊故。有謂如來
滅後者。別示四句。先示可知。以其四句下明破無
記之意。上依中論涅槃品偈云。如來滅度後。不言
有與無。亦不言有無。非有及非無。涅槃與世間。無
有少分別。世間與涅槃。亦無少分別。涅槃之實際。
及與世間際。如是二際者。無毫釐差別。釋曰。初之
一偈。依一諦說。後之二偈。唯依第一義。與瑜伽同。

60123456789

瑜伽八十七下。證成上義。則顯中論初偈。俱通二
諦。約世諦中。唯釋一句等字。等於三四。約涅槃中。
但釋初二句。又此涅槃下三義。通顯離四句。絕百
非。中論末後偈云。一切法皆空。何有邊無邊。亦邊
亦無邊。非邊非無邊。何者爲一異。何有常無常。亦
常亦無常。非常非無常。諸法不可得滅。一切戲論
無人亦無我。佛亦無所說。釋曰。此偈可結無記一
段。以文相續。故此引耳。

疏四。及我衆生有無等四句。此並雙立。衆生卽是
五蘊。非約總王。有卽定有。定有著常。無卽定無。定
無著斷。三遠上二過。雙立有無。卽墮相違。四避此
相違。立俱非句。又成戲論。然此四句。亦有單計。我
有所無。所有我無。亦不離初之二句。又合上成第
三互奪成第四。亦不出初之二句。鈔四我及衆
生等者。雙立我法。衆生卽蘊。蘊卽法。故疏直就
緣生法理。以辨有無。然此四句。大品智論俱舍等。
於此但立二句。大品等云。身與神一及異。成二句。
俱舍卽命與身。卽及離成二句。初句云。俱有者。謂
有執云。但有身處。則有神我。有神我處。其必有身。
身之與神。不相離故。釋曰。此卽身神一句。故智論

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

云。神卽是身者。有人言。身卽是神。何以故。分析此身。求神不可得。故受之。麗妙。皆是身故。故言。身卽是神。身異神異者。有人言。神微細。五情所不得。亦非凡夫人所見。攝心清淨。得禪定人。乃能得見。是故言。身異神異。復次。若身卽神。身滅神亦滅。是邪見。身異神異。身滅神常。是邊見。釋曰。論文但釋二句。今經中初句。是論初釋身神一句。第二句。是論復次身卽是神。身滅神滅。是邪見。第三句。正是身神異句。雖麗妙之異。身在俱有。身無俱無。爲俱句也。第四卽復是身神一句。以身隨神體。皆妙故。俱

離有無。然此四句者。此對前經中二雙立故。亦是智論約邊見意。其我有所無。正同智論身滅神常。二所有我無者。身麗可見。我無相故。言亦不離初之二句者。我所有。合是初句。我無所無。合爲第二。又合上成第三者。初句我亦有。第二句我亦無。初句所亦無。第二句所亦有。故合爲第三。第四旣合一處。故互相奪。如我有合我無。則我非有。所有合所無。則所非有等。遮無卽爲第一俱有句。遮有卽爲第二俱無句。故云亦不出初之二句。問。如初我及衆生。有卽是邪見。以計我故。次句云。我及衆

撰述

玉窟真錄卷之一

生無則是二空。有何過耶。故疏中云。定無著斷。以執定故。非緣生無亦應破云。約計實我。此我非有。隨世假我。此我非無。故說俱無。亦非當理。

過去有幾如來般涅槃。幾聲聞辟支佛般涅槃。未來有幾如來。幾聲聞辟支佛。幾衆生。現在有幾佛住。幾聲聞辟支佛住。幾衆生住。

疏第二門。明三乘凡聖數之多少者。以橫無邊故。不可記也。

何等如來最先出。何等聲聞辟支佛最先出。何等衆生最先出。何等如來最後出。何等聲聞辟支佛最後出。何等衆生最後出。何法最在初。何法最在後。

疏第三門。豎無際故。不可記也。有人答問云。有初佛言自然悟。引懶祭天亦爲應機。寧加置記。若有初佛。如來應知。則可說名。言何法者。染淨等一切法也。鈔第三門。豎明中。言有人答問者。卽水南善知識。荅燕國公張說。問云。法在前。佛在前。荅云。法在前。諸佛所師所謂法故。便被難云。若爾最初成佛。前無佛說。何由悟法。荅云。自然而悟。如月令中。懶乃祭天。豈有人教。燕公大伏。亦爲應機者。歎其善對。寧加置記者。爲順經文。從若有初佛下。出

撰述

聖嚴政金卷之一

不及置記所以。既有初佛。悉數難窮。如來具足一切種智。直舉初佛。則可示矣。故雖善對。未息難源。言何法者。染淨一切法者。即如真妄前後之難也。初會畧明。初地當廣。

世間從何處來。去至何所。有幾世界成。有幾世界壞。世間從何處來。去至何所。

疏第四門徵世間所從。有六句。初二句問衆生及蘊世間。次四句約器世間。以外道計衆生有最初生故。或謂從冥諦中來。還至冥故。或謂世界皆微塵成。謂至妙之色常恒不變。聚則爲身器散則成

微塵故。此皆邪見之源。故不應答。鈔第四門徵世間所從中。其諸邪見初卷已廣。

疏有情世間。不言成壞者。瑜伽云。有情望器。有五不同一。謂器界生死共因。所生有情生死。但由不共故。是因不同二。器有除斷。有情流轉不斷。故是時不同三。謂三災壞不壞。故名續不同四。器界因無永斷。有情不爾。名斷不同五。器則斷而復續。有情斷已無續。名續不同。以斯義故。畧無成壞也。鈔器界生死共因者。出現品說。三謂三災但壞器界。不壞有情。先令有情生上界竟。方壞器界故。四

601234567897012345678980123456789

器界因無永斷者。如染利之因已亡。不復更修染因。招染利也有情染因雖滅。陰識不滅。五器界斷而復續者。約招成壞之利。壞後更成有情。若捨異生之性。終不更爲凡夫矣。然此與四似當相違。而四則器界約因斷果不生。有情因斷果不失。五器界約果斷。果更續。有情約妄因已斷。妄果不續。何者爲生死最初際。何者爲生死最後際。

疏第五約生死初後際。唯有一句。問初際無始。聖教所明。生死有終。豈非正理。答畧有三義。一約一人。則可云終。通望一切。則無終極。二以彼定執長。

邪見故亦不應答。謂若許有終必有始。故常法無始。亦無終故。三約法性皆不可說。故中論云。大聖之所說。本際不可得。生死無有始。亦復無有終。若無有始終。中當云何有。是故於此中。先後共亦無。既言本際不可得。亦不應定謂無始無終。况有始終之見耶。又有偈云。真法及說者。聽者難得。故是故。則生死非有邊無邊。鈔謂若許有終必有始。故亦如初地中論云。大聖之所說等。卽本際品偈。此中初偈引教立理。顯無始終。次二句仍上遣中。以無始終可待對。故後兩句遣其先後畧有三義。

601234567897012345678980123456789

謂應有問言。生死二法爲先生後死爲先死後生爲生死一時。一時名共。今且總非下有偈出非所以云。若使先有生後有老死者。不老死有生。生不有老死。若先有老死而後有生者。是則爲無因。不生有老死。釋曰。前偈破先生後死。生必因死。今先有生。則不因老死而有。故云不老死有生。則亦令生無有老死。先獨生故。後偈破先死後生。生是死因。今死在前。則爲無因矣。次破一時偈云。生及於老死。不得一時共生。時卽有死。是二俱無因。釋曰。以生不因死。死不因生故。後結法空云。若使初後

共是皆不然者。何故而戲論。謂有生老死。既言本際下。疏釋論正爲證有始終之邪見故。又有偈云。此卽邪見品。彼有邊等偈後。前已引竟。

疏上諸邪見多是外道。亦參小乘。菩薩善知。則問答無滯。便舉破者。令自他造中故也。鈔上諸邪見下。總結上意。言菩薩善知問答者。具四種答。一。正是置答。二。如說生死無有始終。是一向答。三。如云衆生器界五種不同。是分別答。四。若有問云。世尊約何法說我。何法說衆生。應答言。約假名說我。約因緣說衆生。是名隨問答。若通前七。以辨多聞。



問答居然可知餘可思準。

是名無記法。菩薩摩訶薩作如是念。一切衆生於生死中。無有多聞。不能了知此一切法。我當發意持多聞藏證阿耨多羅三藐三菩提。爲諸衆生說真實法。是名菩薩摩訶薩第五多聞藏。

疏第二菩薩下顯多聞之意。謂悲物無聞長淪生死故誓持聞藏自證利他。

信官曹谷同室吳氏捐資拾壹兩刻此

十無盡藏品伏願

先父曹大田

先母王氏早聞
妙法超生蓮界

大方廣佛華嚴經疏鈔卷二十一之一 終

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

華嚴疏金卷九

七

大方廣佛華嚴經疏鈔卷二十一之二

于闐國三歲沙門實叉難陀譯

清涼山大華嚴寺沙門澄觀撰述

十無盡藏品第二十二之二

佛子何等爲菩薩摩訶薩施藏。

疏第六施藏文三同前。

此菩薩行十種施所謂分減施竭盡施內施外施內外施一切施過去施未來施現在施究竟施。

疏釋相中二第一標列十章。

佛子云何爲菩薩分減施。

疏第二佛子下。依章牒釋。釋中十段。一一各二。謂標釋結然。此十施前六事捨。謂身命財。次三心捨。謂不取著。後一俱捨。名爲究竟。

此菩薩稟性仁慈。好行惠施。若得美味。不專自受。要與衆生。然後方食。凡所受物。悉亦如是。若自食時。作是念言。我身中有八萬戶蟲。依於我住。我身充樂。彼亦充樂。我身饑苦。彼亦饑苦。我今受此所有飲食。願令衆生普得充飽。爲施彼故。而自食之。不食其味。復作是念。我於長夜。蒙著其身。欲令充飽。而受飲食。今以此食。惠施衆生。願我於身。永斷貪著。是名分減施。

疏第一分減施。釋中三。初明分減之相。一若自食。下明施善巧。外無施境。而不捨施心。三復作下。對治施障。

云何爲菩薩竭盡施。

疏第二竭盡施者。不顧活命。傾竭所有也。然施心湏成。施行湏量。若彼爲成大利。則身命無吝。若彼但爲貪求無厭。或惡心欲行大害。應以方便勿成。人惡如月光王。施頭與怨。奪萬姓之安施。二人之死。怨王喜死。乞者恨死。雖有賢行。未全可準。今言竭盡者。以彰菩薩施心已成。有應施境。終無吝也。

撰述

華嚴疏金卷二之二

內施內外。準此可知。若不爾者。菩薩能雨七珍。充足一切。何不施耶。亦見衆生所不宜故。欽如月光王等者。卽賢愚經第五卷說月光王施頭。二十八經中。因說如來受波旬請。却後三月。當般涅槃。舍利弗聞。便白世尊。不忍見佛涅槃。當先涅槃。佛便許之。涅槃訖。佛告阿難。舍利弗。非但今日不忍見我涅槃。先取滅度。昔亦如是。阿難請說其事。佛便廣引。經文浩博。今略意引。佛告阿難。過去久遠無量無數不可思議阿僧祇劫。此閻浮提有一國王。名栴陀婆羅脾。晉言月光。統閻浮提八萬四千。

國第一夫人。名湏摩檀。晉言花施。一萬大臣。其第一者。名摩訶旃陀。晉言大月。有五百太子。大者曰尸羅跋陀。晉言戒賢。王所住城。名跋陀耆婆。晉言賢壽。廣說莊嚴。王思善因。廣行大施。告令國內。悉令大捨。時邊遠有一小國王。名曰毘摩訶那。心生嫉妒。廣詔外人。乞取王頭。無肯從者。後復廣詔云。得月光王頭。分國半治。以女妻之。有婆羅門。名勞度。又應詔乞頭。月光王國先有變怪。大月大臣。復得惡夢。城神遮之。不令得入。時首陀天。託夢令知。月光睡覺。詔令見已。大月大臣。思以五百七寶贖

撰述

華嚴疏錄卷二十一

三

三

頭換之不得。心裂七分死於王前。王許却後七日。
 徒告國內。國內皆至。擗地請留。王不受之。言我計
 宰所經地獄。一日之中。捨身無數。竟無所益。今日
 施頭持是功德。誓求佛道。當度汝等。言訖入園。以
 髮繫樹。樹神以手搏婆羅門。王語樹神。我於此樹
 下已捨九百九十九頭。今當滿千。汝莫遮我。無上
 大道。樹神依之。婆羅門斬下王頭。地六震動。施頭
 之聲。聲徧天下。時毘摩羨王聞此語已。喜踴驚愕。
 心憊裂死。時婆羅門嫌頭腥臭。擲地脚蹋。人又呵
 之。迴來在道。無施給者。饑餓萎悴。聞毘摩羨王已

復命終懊惱。憤憤心裂七分。吐血而死。王及婆羅
 門墮阿鼻地獄。其餘人民。感激死者。皆得生天。月
 光王者。我身是也。毘摩羨王。波旬是也。勞度叉者。
 調達是也。其樹神者。目連是也。大月大臣者。舍利
 弗是。釋曰。此卽世尊本行。故云賢行。此明世尊無
 不能捨。則合施心湏成。恐無巧慧。不善籌量。故云
 未全可準。奪萬姓之安。施二人之死。向引已具。若
 不爾。下成上湏量之義。菩薩能施而不施者。明是
 不宜卽善量也。

佛子。此菩薩得種種上味。飲食香華衣服資生之具。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

華嚴疏錄卷之二

四

若自以受用。則安樂延年。若輟已施人。則窮苦夭命。時或有人來作是言。汝今所有悉當與我。菩薩自念我無始已來。以饑餓故。喪身無數。未曾得有如毫末許饒益衆生而獲善利。今我亦當同於往昔而捨其命。是故應爲饒益衆生。隨其所有。一切皆捨乃至盡命。亦無所惜。是名竭盡施。

疏二釋相中三初明難施之物。一或時下乞境現前二菩薩自念下正修施行下之四施皆有此三云何爲菩薩內施。

疏第二內施謂內身也。

佛子。此菩薩年方少盛。端正美好。香華衣服。以嚴其身。始受灌頂轉輪王位。七寶具足。王四天下。時或有人來白王言。大王當知。我今衰老。身嬰重疾。筭獨羸頓死。將不久若。得王身手足血肉頭目骨髓。我之身命必棄存活。唯願大王莫更籌量。有所顧惜。但見慈念以施於我爾時菩薩作是念言。今我此身後必當死。無一利益。宜時疾捨。以濟衆生。念已施之心。無所悔。是名內施。

疏第三單也。玉篇云。無兄曰筭。無子曰獨。頤。損也。冀者。望也。三是名下結名。

撰述

華嚴疏錄卷一

二之一

五

云何爲菩薩外施佛子此菩薩年盛色美衆相具足名華上服而以嚴身始受灌頂轉輪王位七寶具足王四天下時或有人來白王言我今貧窶衆苦逼迫惟願仁慈特垂矜念捨此王位以贍於我我當統領受王福樂爾時菩薩作是念言一切榮盛必當衰歇於衰歇時不能復更饒益衆生我今宜應隨彼所求充滿其意作是念已卽便施之而無所悔是名外施疏第四外施卽王位也寔者無財旛禮也

云何爲菩薩內外施佛子此菩薩如上所說處輪王位七寶具足王四天下時或有人而來白言此轉輪

位王處已久我未曾得唯願大王捨之與我并及千身爲我臣僕爾時菩薩作是念言我身財寶及以王位悉是無常敗壞之法我今盛壯富有天下乞者現前當以不堅而求堅法作是念已卽便施之乃至以身恭勤作役心無所悔是名內外施

疏第五內外施者王位爲外兼身作役爲內也

云何爲菩薩一切施佛子此菩薩亦如上說處輪王位七寶具足王四天下時有無量貧窮之人來詣其前而作是言大王名稱周聞十方我等欽風故來至此吾曹今者各有所求願普垂慈令得滿足時諸貧

撰述

華嚴疏卷二十一

人從彼大王或乞國王或乞妻子或乞手足血肉心
肺頭目髓腦菩薩是時心作是念一切恩愛會當別
離而於衆生無所饒益我今爲欲永捨貪愛以此一
切必離散物滿衆生願作是念已悉皆施與心無悔
恨亦不於衆生而生厭賤是名一切施

疏第六一切施者凡所有物也此與竭盡及內外
施異者竭盡揀異分減但約資生內外合前二門
空言作役王位今云一切通前諸門又是事捨之
終故總該收舉難攝易略列數條廣則無邊如第
六廻向所辨

云何爲菩薩過去施此菩薩聞過去諸佛菩薩所有
功德聞已不著了達非有不起分別不貪不味亦不
求取無所依倚見法如夢無有堅固於諸善根不起
有想亦無所倚但爲教化取着衆生成熟佛法而爲
演說又復觀察過去諸法十方推求都不可得作是
念已於過去法畢竟皆捨是名過去施

疏第七過去施者然三世之施通相皆明不着別
則過去不生追戀未來預止貪求現在心無染着
今過去釋中分二光明於佛法無着後又復下於
一切法無着前中初二句總明次不起分別下別

601234567897012345678980123456789

顯先顯不着之相。不分別者。稱法性故。次不貪染。不愛味。亦不方便求取。以爲已德。亦不依此而起修行。次見法下廣上了達。釋不着所由。次但爲下釋。疑疑云。旣俱無着。云何而說。釋云。爲化衆生。令無着故。二於一切法無著者。以般若智求不可得。觸目現境。尚了性空。過往法中。寧當計有。

云何爲菩薩未來施。此菩薩聞未來諸佛之所修行。了達非有。不取於相。不別樂往生諸佛國土。不味不着。亦不生厭。不以善根廻向於彼。亦不於彼而退善根。常勤修行。未曾廢捨。但欲因彼境界攝取衆生。爲說真實令成熟佛法。然此法者。非有處所。非無處所。非內非外。非近非遠。復作是念。若法非有。不可不捨。是名未來施。

疏第八未來施。釋中分二。先正顯。後釋疑。前中不着修行之因。不願淨土之果。不味其好。不厭其事。不廻向者。釋上不味。不自安處求勝樂故。不退已下。釋上不厭修彼行故。鈔不自安處求勝樂者。初發心住已。會此文。

疏二。但欲下。釋疑。云旣於淨不味。修行何爲。釋有一意。一者約悲。但爲攝物故。二然此下約智。智

了非有故。生卽非生。故不着。不礙事故。非生之生。故修行。非有處所者。與理冥故。非無處所者。事像形。故非內者。相分境。故非外者。心所淨故。非近者。十萬等殊故。非遠者。我淨土不毀故。此約淨國以說。若通論未來法者。可以意知。復作已下。更約性空。結成捨義。又目擊尚捨。況於未形。欽非有處所者。與理冥故者。卽明淨土四句之義。謂有質不成。無質不成等。如世界成就品。十萬等殊者。十萬卽阿彌陀經。從此西方十萬佛土。有世界名曰極樂。故等者。等於餘土。遠近之數。若約通論。未來法可以意知者。未來未至故。非有處所。緣會當成。聖智所知故。非無處所。未來故。非內。由心故。非外。未至何有遠近。

云何爲菩薩現在施。此菩薩聞四天王衆天。三十三天。夜摩天。兜率陀天。化樂天。他化自在天。梵天。梵身天。梵輔天。梵衆天。大梵天。光天。少光天。無量光天。光音天。淨天。少淨天。無量淨天。徧淨天。廣天。少廣天。無量廣天。廣果天。無煩天。無熟天。善見天。善現天。色究竟天。乃至聞聲聞緣覺具足功德。

疏第九現在施。釋中有三。初明所捨之境。一聞已

撰述

華嚴疏錄卷二之一

下正明捨心三爲今下釋通外難。今初先列淨天後列二乘功德上二世中舉佛菩薩今舉諸天量二乘者文影略耳。天中初六欲界已如初會梵天已下明色界天。然色界攝天多少諸說小異俱舍正理皆說十七故頌云三靜慮各三第四靜慮八天長行之中建立十六以梵王梵輔同一天故瑜伽云處有十八謂色究竟外說大自在不言無想意在廣果中收今此卽文而數有二十一然四禪初一皆是總標則初靜慮四二三各二第四有八還成十八正理初說有三今加梵身晉經梵衆名梵

眷屬若然身亦衆義則梵身是外所領之衆梵衆則爲內眷屬衆梵輔卽大梵前行列侍御大梵卽彼天王獲中間定初生後歿威德等勝故名爲大疏次光天下卽三禪三天一自地天內光明最少故二光明轉勝量難測故三光音者口出淨光故次淨天下卽三禪三天意地受樂總名爲淨一於自地中此淨最劣故名少淨二淨增難量故三此淨周普故次廣天下明四禪八天初三足是凡離八災患皆稱福廣於自地中此福猶劣故名少廣二福難量故三異生果中此最勝故鈔異生果中

撰述

華嚴疏金卷二之二

此最勝故者。上五聖居故。

疏無煩已上。名五淨居。謂離欲諸聖。以聖道水灌煩惱垢。故名爲淨。淨身所止。故名淨居。或此天中。無異生雜純聖所止。故名淨居。一無煩者。煩謂繁雜。或謂繁廣。無繁雜中。此最初故。繁廣天中。此最劣故。此依正理。若順今經。皆作此煩。則無廣義。二無熟者。已善伏除。雜修淨慮。上中品障。意樂調柔。離熱惱故。或熟者。熾盛爲義。謂上品修靜慮及果。此猶未證故。三善現者。已得上品雜修靜慮。果德易彰。故名善現。鈔已得上品雜修靜慮者。謂漏

與無漏間雜而修。故名雜修。俱舍賢聖品論云。前說上流雜修靜慮爲因。能生色究竟天。先應雜修何等靜慮。一問由何等位知雜修成。二問復有何

緣雜修靜慮。二問

答第二問偈云。先雜修第四。答第一問成

由一念雜。答第二問

爲受生現樂。及遮煩惱過。答

第三問

釋曰。初句明夫欲雜修。必先修第四靜慮。

由第四靜慮最堪能故。二答成位。謂阿羅漢或是不還成由一念雜者。謂彼必先入第四靜慮。多念無漏。相續現前。從此引生多念有漏。後復多念無漏。現前。如是旋環後後漸減。乃至最後二念無漏。

601234567897012345678980123456789

次引二念有漏。現前無間。復生二念無漏。名雜修定。加行成滿次復。唯有一念無漏。次復引起一念。有漏無間。復生一念無漏。中間有漏。前後無漏。以相間雜。故名雜修。此一念雜。名根本成修。第四已乘此勢力。亦能雜修下三靜慮。三答何緣云。雜修靜慮。總有三緣。一爲受生。生淨居天故。二爲現樂受現法樂故。三爲遮煩惱退。若不還修。由前三緣。若羅漢修。除受生一。從此第六明淨居處。何唯有五論頌云。由雜修有五。生有五淨居。釋曰。由雜修第四有五品故。一下品有三心。初起無漏。次起有身最後邊故。

疏言乃至二乘功德者。中間越於四空等故。

聞已。其心不迷。不沒。不聚。不散。但觀諸行。如夢不實。無有貪着。

疏一。正明捨心中。聞上世出世境已。不迷爲實。不沉沒於貪。不聚集其善因。不散動以分別。但觀下釋其所以可知。

爲今衆生捨離惡趣。心無分別。修菩薩道。成就佛法。而爲開演。是名現在施。

疏三。釋難者。疑云。旣言不聚善因。何以說五乘因果。釋云。拯三塗之劇苦。示人天以蘇息止劣見之妄情。說二乘以引攝爲物。然耳。非自不捨也。

云何爲菩薩究竟施。

疏第十。究竟施文三同前。徵名者。略有五義。得究竟名。一前六捨財命。次三捨著心。今則兼上二門故。二又發大願。令物無着故。三令物得究竟果故。四不生一念愛着。則微細無着故。五究竟能令物實益故。如無眼等而施之者。如世凡人。豈能將他之目。安之於已。今菩薩福力。令彼還得以慈善根力。故如五百羣賊。平復如故。故云究竟益。

佛子。此菩薩假使有無量衆生。或有無眼。或有無耳。或無鼻舌。及以手足來至其所。告菩薩言。我身薄祜。

601234567897012345678980123456789

諸根殘缺。惟願仁慈。以善方便。捨已所有。令我具足。
疏釋相中三。初施境現前。一菩薩聞下。正明施行
三如我下。回向衆生。

菩薩聞之。卽便施與。假使由此經阿僧祇劫。諸根不
具。亦不心生一念悔惜。但自觀身。從初入胎。不淨微
形。胞沒諸根。生老病死。又觀此身。無有真實。無有慚
愧。非賢聖物。臭穢不潔。骨節相持。血肉所塗。九孔常
流。人所惡賤。作是觀已。不生一念愛着之心。復作是
念。此身危脆。無有堅固。我今云何而生戀着。應以施
彼。充滿其願。

疏二中分一。初正施無吝。一但自下。釋成行之由。
由入觀故。此觀卽是念處觀也。皆言身者。觀有通
別。別觀五蘊。一一名身。故淨名云。是身如泡。不得
久立等。通觀五陰。皆無常等。故智論云。五陰卽無
常。無常卽苦。苦卽無我等。今此不淨。偏語色身。餘
之三觀。皆通五蘊。第一苦觀。謂始從入胎。皆生苦
攝。老等可知。二又觀下。明無我觀。謂無真實。王宰
故無有慚愧者。雖假以澡浴衣食。一旦背恩。如小
兒故。非賢聖物者。是世間故。故智論云。由無我故。
令捨世間。三臭穢下。明不淨觀。四復作下。明無常。

撰述

華嚴疏金卷二十二

丙

觀。觀危脆故。釗一旦背恩如小兒故者。卽智論文審諦觀此身。終畢歸死處。難御無反復。背恩如小兒。故智論云。由無我故下。亦同此卷已前亦引如我所作。以此開導一切衆生。令於身心不生貪愛。悉得成就清淨智身。是名究竟施。是爲菩薩摩訶薩第六施藏。

疏三回向者。據小乘故。然菩薩修此觀時。以無所得而爲方便故。同法界故。已不共小。況回向耶。

佛子。何等爲菩薩摩訶薩慧藏。

疏第七慧藏中分四。一徵名。二釋相。三結名。四歎益。

此菩薩於色如實知。色集如實知。色滅如實知。色道如實知。於受想行識如實知。受想行識集如實知。受想行識滅如實知。於無明如實知。無明集如實知。無明滅如實知。無明滅道如實知。於愛如實知。愛集如實知。愛滅如實知。愛滅道如實知。於聲聞如實知。聲聞法如實知。聲聞集如實知。聲聞涅槃如實知。於菩薩如實知。菩薩法如實知。菩薩集如實知。菩薩涅槃如實知。獨覺集如實知。獨覺涅槃如實知。於菩薩如實知。菩薩法如實知。菩薩涅槃如實知。

撰述

華嚴疏錄卷二十一

三

疏就釋相中二初明慧藏後釋無盡前中三初明如實知境次云何下釋如實知義三菩薩成就下總結多門以彰善巧今初以四諦慧照十種法攝十爲五類前二五蘊次二有支後三三乘故鈔以四諦慧等者卽無作四諦也故下四諦差別門中云若約菩薩能觀皆無作也

疏收此五類不出二門初二凡境後三聖境又若後二就果則初二有作四諦後一無作四諦界內界外因果異故此就所觀若約菩薩能觀皆無作也又初二流轉後二還滅前有滅道是流轉始修

之還滅後有苦集是還滅未盡之流轉又前是所知之法後是能知之人人中有法卽是前法歷於四諦是聲聞法所緣有支是緣覺法五蘊卽是三乘共法皆如實知是菩薩法鈔收五爲二四門中前三皆約所知後一方具能所前有滅道下此通妨難謂有難言初二流轉卽五蘊有支而皆有四諦謂色滅色道等滅道卽是還滅何言流轉後有苦集亦然故今通云前五陰等中有滅道者於蘊等中方始修道期得滅耳若已證滅則無蘊等言後有苦集者卽三乘中亦以四諦則有苦集旣

是還滅何得有之。今答雖是聖人。苦集未盡。無餘涅槃方始盡故。又前是所知下。第四門中二。先正明後人中有法下。通妨經云聲聞法如實知。緣覺法如實知等。何言但是能知之人。故爲此通。謂三乘聖人歷前諸法成三乘耳。歷於四諦下。示其以法成人之相。其四諦之法。徧在前七。所緣有支。卽無明有愛能如實知諸法。故名菩薩。

疏皆言如實知者。下經總釋。今當略辨。一如事實。二如理實。

疏十中前七當相是苦。無明與愛。有漏性故。行苦

隨故行蘊攝故。緣成是集。無性是滅。顯滅爲道。從詮顯故。此則總說。及就理滅。若別說者。不了無常不淨等過。而生愛着。名爲色集。若滅癡愛。名爲色滅。唯止與觀。是色滅道。由止離愛。由觀離癡。若兼助道。卽有戒學及道品等。受想行識。例此可知。無明集者。由他言說不如理引。由自妄想不正思惟。滅此名滅。言愛集者。謂無明觸爲緣。所生受故。亦滅此名滅。癡愛之道。皆同蘊說。十二支中。唯舉二者。發業潤業。唯此二故能引能生。各舉初故。從癡有愛病之源。故涅槃三十四云。從無明生愛。當知

撰述

華嚴疏錄卷之二

二

七

是愛卽是無明。從愛生取。當知是取卽無明愛等。亦似斯義。又約三際無明爲本。愛取爲際。此二中間有識等五。及生老死。今悟無明由迷過去。有識等五。現在之愛卽是無明。若不斷者。輪轉不息。今思斷之。將來無復生死矣。鈔無明與愛有漏性下。釋妨謂有問言。無明與愛。此是煩惱。云何而言七皆是罟。故爲此通明三義是罟。緣生是集。七皆緣生。無性是滅。七皆無性。結是理滅。顯滅爲道者。顯無性理言。從詮顯者。釋上顯滅爲道。謂緣生之法。是顯滅之詮。若不從緣。不知無性。故亦如修行。

止觀顯得滅理。故次結云。此則總說。及就理滅。若別說者下。歷色等一一別明。四諦之相。可以思準。由他言說等。皆瑜伽意義。皆可知。不正思惟。亦涅槃意。六地當明。無明觸爲緣等者。亦瑜伽意。大般若等。皆說眼觸。眼觸爲緣。所生諸受等。如眼根境識三和合。名觸若以明爲緣。不成有支。由無明迷而受諸受。樂受生愛。故是愛因。發業下解釋略引三文。一唯識生引門說。無明發業。愛能潤業。能引有二。但舉無明能潤有三。但舉於愛已攝取有。涅槃下。引經證。卽是北經有本。當三十五。南經三十

撰述

華嚴疏抄卷二十一

二明二十一對諍論之中。此當第十四有心數無心數義。此文稍略。若具引者。經云善男子。我於經中作如是說。聖人色陰乃至識陰。皆是無明因緣。所出一切凡夫。亦復如是。從無明生愛。當知是愛。卽是無明。從愛生取。當知是取。卽無明愛。從取生有。當知是有。卽是無明愛。取。從有生受。當知是受。卽是行有。從受因緣。生於名色。無明愛。取。有行受觸識六入等。是故受者。卽十二支。善男子。我諸弟子。聞是說已。不解我意。唱言如來說無心數。釋曰。此中有三。先明聖人五陰。從無明生。二例凡夫。三

就凡中。明心法展轉相生。更無別數。此中卽三世十二因緣。隱顯互論。文中先列後結。列中先明過去之因。從無明生。言從無明生愛。當知是愛。卽是無明者。謂無明之心。對境染着。卽名爲愛。是故此愛。卽是無明。言從愛生取。當知是取。卽無明愛者。卽前愛。心取着境界。卽名爲取。體性不殊。是故此取。卽無明愛。言從取生有。當知是有。卽是無明愛取者。前取心起業。名有。是故此有。卽無明等。次論現果云。從有生受。當知此受。卽是行有者。此名識支。以之爲受。識支。卽是現報之體。從因納得。故名

爲受。卽前有支。轉爲此受。是故此受。卽前行有。亦應。卽前無明。愛取。就近言耳。言從受。因緣生於名色者。受增爲名所託。識立以之爲色。從受生於無明。愛取有行者。從現報受。起後因也。從受。因緣生於愛觸識六入等者。從現報色。轉起未來生老死也。亦應宣說名色。卽是受。乃至宣說六入。卽受而文略耳。以下經云。是故受者。卽十二支。故此末句。卽是總結無別受外心法。向前。卽於過去無明受等。向後。卽於名色等。故受。卽十二支。以今疏引。但引初段。證無明愛是十二支本。其卽無明愛等字等餘經文。然其彼經本意爲明無別心法。非成無明及愛是有支本。故疏結言。亦似斯義。又約三際無明爲本下。卽瑜伽論。至下六地。當廣分別。今且略釋。無明橫起。是本可知。不了第一義諦。名無明。故言愛取爲際者。卽現在所起。若更起愛取。則有未來生老死支。若不起者。當苦不生。有無由之。故名爲際。言是二中間有識等五者。是無明支後。愛取支前。中間五果。言及生老死者。卽愛取支後。望未來世。未起愛取支前。爲中間耳。以未來更起。展轉無窮故。

疏後三約淨聲聞是人四諦爲法所行道品爲集。所成果爲涅槃十二因緣是緣覺法無邊法界是菩薩法又知聲聞卽是知苦以聲聞苦是已知故但舉其位法卽是彼所行之法卽是道諦集即是彼惑集未盡是爲集諦已有斷故法後說之涅槃卽是滅諦已證滅故改名涅槃緣覺菩薩準思可見前釋通因後釋就果若定以前二爲分段後三爲變易則小乘三果已前應受變易直往七地已下非此所知故不可也鈔又知聲聞下會通四諦以前標云以四諦慧照十法故前釋通因下會

二釋雖因果云異亦不殊四諦之意也若定以前下四結彈古義卽刊定記釋疏先敘之後則小乘三果下示其過相後之三乘通因通果今爲變易則三果已受變易變易入無餘竟方始受之何得三果便受變易又此三果非此所知三果是分段故言直往七地等者迴小入大初地已上容受變易直往菩薩八地已上方受變易今總爲變易故七地已還非此所知亦可直往七地已前應受變易各有二過疏文影畧耳然分段變易者勝鬘經云有二種死何等爲二謂分段死不思議變易死

分段死者謂虛僞。凡夫不思議變易死者謂阿羅漢。辟支佛大力菩薩意生身乃至究竟無上菩提。釋曰據此明小乘三果七地已還未受變易。四變易義前已廣說。

云何知。知從業報諸行因緣之所造作。一切虛假空無有實。非我非堅固。無有少法可得成立。

疏第二釋如實知義。非唯能知行相。亦顯所知之相也。先徵後釋。徵意云爲隨相知爲無相知。若隨相知。寧異凡小。若無相知。無相無知。故言云何知。後釋意云知相知性無有障礙。是菩薩所知。無知。

之知。是菩薩知文分二別。先約自利。明知苦集。後約利他。彰知滅道。二文影畧應各具四。又二段中含前五類。具顯三乘。今初段中。知標業報。是五蘊相業集報。是二諦相。言諸行因緣之所造作。十二支相。諸行因緣。即是集相。之所造作。是苦諦。相上辨知相。一切已下。顯知無相通於苦集。初有二句。共三乘相。非我已下。釋成上文。據二別相。由非我故。空無有實。但假五陰。是聲聞相。以非堅固。空無有實。但緣成假。是緣覺相。若無少可得。空無有實。但虛假幻相。是菩薩相。非安立諦。無可成故。

撰述

華嚴疏錄卷二之二

鈔亦顯所知之相者。所知者。卽下性相。要顯所知方識能知耳。知相下。此中有三。一知相。二知性。三知無障礙。無障礙有二。一上性相無礙。二以性融相。重重無礙。卽四法界。是此可知。言無知知者。是菩薩能知也。卽般若無知。對緣而照耳。又二段中含前五類等者。謂前以如實知。一一歷前五類之法。在文昭著。今明文中。義合前法。故疏示。

欲令衆生知其實性廣爲宣說。爲說何等說。諸法不可壞。何等法不可壞。色不可壞。受想行識不可壞。無明不可壞。聲聞法。獨覺法。菩薩法不可壞。何以故。一

切法無作。無作者。無言說。無處所。不生不起。不與不取。無動轉。無作用。

疏一。欲令已下。次約利他彰知滅道。能知實性。是道諦相法不可壞。及所知性。卽滅諦相。廣爲宣說。唯菩薩相文中。二初標說意。二爲說下。展轉徵釋。總有三重初徵意。云說何令知實性。釋云。說不可壞。此畧示其宗。次徵云。此不可壞爲性爲相。此尋說處。釋云。相卽性故。五類等法皆不可壞。依般若中。自色已上種智已還悉皆徧歷後徵云。現見諸法。猶如聚沫泡焰芭蕉幻夢不實。那言不壞。下釋

601234567897012345678980123456789

所由畧由三義。一色等性空。無可壞故。若壞方空。非本空故。二由空卽眞同法性故。若壞方眞事在理外故。三由卽空不待壞故。壞則斷滅。文中十句五對。初無我無造故不可壞。二離能所詮故。三能生不生。所生不起故。四因不取果。果不與因故。五體無動轉用無作相故。鈔自色已上種智已還者。大品畧引八十餘科。大般若更廣謂色爲首。是五蘊初故。次歷四蘊。次歷十二入。十八界。次眼等觸等所生諸受。次四念住。四諦。四禪。八解脫。陀羅尼。十地。五眼。十力。大慈。大悲。四等。相好。無忘失法。

一切種智。四果菩薩行。無上菩提。釋曰。上卽所歷也。現見諸法。猶如聚沫等者。舉五蘊不實破壞之義以難。不壞釋意前已頗有。

菩薩成就如是等無量慧藏。以少方便了一切法。自然明達。不由他悟。

疏第二總結多門。以彰善巧者。更多門。皆以無所得等爲少方便。則色空見盡。壞與不壞兩亡。不隨境轉。名不由他悟。鈔皆以無得等爲少方便。便若準大般若。亦以無生爲方便。無住爲方便。無者。疏以無得釋少方便。下經云以無所得而爲方便。便若準大般若。亦以無生爲方便。無住爲方便。無

撰述

華嚴疏金卷二之二 言

依爲方便皆般若相也。然爲方便畧有二意。一以爲入有方便令有無所得等。二爲入空方便亦不任無得故。今正取爲入有方便。

此慧無盡藏有十種不可盡故說爲無盡何等爲十。所謂多聞善巧不可盡故親近善知識不可盡故善分別句義不可盡故入深法界不可盡故以一味智莊嚴不可盡故集一切福德心無疲倦不可盡故入一切陀羅尼門不可盡故能分別一切衆生語言音聲不可盡故能斷一切衆生疑惑不可盡故爲一切衆生現一切佛神力教化調伏令修行不斷不可盡故是爲十。

疏第二釋無盡義有標徵釋結釋亦十事五對。一因緣。二教理。三福智。四持辯。五智通。福智中云。一味者百華異色共成一陰萬法雖殊貫之一智亦一如上蘇無不入也。鈔亦如上蘇無不入也者解最深密經歎真實智無不入也。是爲菩薩摩訶薩第七慧藏住此藏者得無盡智慧普能開悟一切衆生。

疏二結四歎文處可知。

佛子何等爲菩薩摩訶薩念藏此菩薩捨離癡惑得

撰述

華嚴疏錄卷之二

三

具足念。

疏釋相中有四。一總標念體。一所念差別。二能念
勝相。四明念益相。

憶念過去一生二生乃至十生百生千生百千生無量百千生成劫壞劫成壞劫非一成劫非一壞劫非一成壞劫百劫千劫百千億那由他乃至無量無數無邊無等不可數不可稱不可思不可量不可說不可說劫念一佛名號乃至不可說不可說佛名號念十佛出世說授記乃至不可說不可說佛出世說授記念一佛出世說修多羅乃至不可說不可說佛出

世說修多羅如修多羅祇夜授記伽陀尼陀那優陀那本事本生方廣未曾有譬喻論議亦如是念一衆會乃至不可說不可說衆會念演一法乃至演不可說不可說法念一根種種性乃至不可說不可說根種種性念一根無量種種性乃至不可說不可說根無量種種性念一煩惱種種性乃至不可說不可說煩惱種種性念一三昧種種性乃至不可說不可說三昧種種性

疏二憶念下所念差別中唯依宿住以辨明記畧舉十事以顯無盡一生二劫三佛名四授記五演

撰述

華嚴疏錄卷二之二

三

教六衆會。七說義。八根性。九所治。十能治。文並可知。

疏十二分教。今當畧說。舊名十一部經。恐濫部帙。改名分教。各有二相。

疏唯修多羅或二或三修多羅者。此云契經廣如初卷。言二相者。一是總相。謂涅槃十五云。始從如是我聞。終至歡喜奉行。皆修多羅。二者別相。雜集十一云。謂長行綴緝。畧說所應說義。然更有異名。異名有四。一法本。二但名經。三直說。四聖教。言法本者。遠公以五義釋之。一教爲理本。二經爲論本。

三總爲別本。四初爲後本。五畧爲廣本。以彼立三修多羅故。一總相。二別相。三本相。亦名畧相。總不異前。別謂就前總相。分出十一。餘不收者。還復攝在修多羅中。名爲別相。用斯別相。望祇夜等爲其本。故名初爲後本。言本相者。於彼別相。十二部中。初畧標舉。名修多羅。後廣釋者。隨別名之。如言色者。即是根本略相。復云青黃等者。是名廣相。故云畧爲廣本。然其後二。不違雜集長行綴葺等言。綴葺。卽是十一所不攝者。如賢首品云。爾時文殊師利說無濁亂清淨行。大功德已等類。此是結集綴

撰述

華嚴疏錄卷二十一之二

三

三

葺。非佛正說。故云十一所不攝者。其略說所應說義。卽是略爲廣本。如欲顯示菩提心功德。故卽其類也。此第三略相。亦順成實成實名直說語言。總相而言。名爲直說。一語言多義分別。名非直說。斯則通十二分。皆有此一。若十二分中修多羅。並通前三。若三藏修多羅。唯局總相。但開雜集別義。以成後二。有不曉者。妄非先賢。而云修多羅。但依總相業用。則違諸論長行綴葺等。鈔修多羅者下。別釋之。此一部分。二先辨。二相其長行綴葺等者。次下當知。二然更有下。辨異名。便彰三相。於中二。

先列四名。亦如初卷言法本下。別釋於中一。正道遠公釋。二以彼立下爲出所以。卽立三相。以五中後三。卽三修多羅相。然其後二下。遮破會通。以刊定記。自立兩重總別。如第一疏抄。不許立三。彼第一疏中破云。隋遠法師。雖說修多羅。總別畧三。初順涅槃。二無聖教。亦乖正理。三違雜集。雜集論云。修多羅者。謂長行綴葺。所應說義。彼自釋云。畧說所應說義。卽是長行綴葺。曾無先畧標舉。後廣釋相言畧者。總之異名。謂修多羅。一分是總。餘十一分是別。今修多羅依藏部中。總相業用。而立其名。

撰述

華嚴疏錄卷二之一

三

用

餘藏部名依藏部中別相業用。所以者何。修多羅業能貫攝故。餘藏部所詮所化。由此貫攝彼方成。故故涅槃云。始從如是我聞。乃至歡喜奉行。皆修多羅攝。釋曰。此卽彼之立破。今疏知其所立。但是總相更不敘之。言違雜集。故爲辨相。却用雜集。故云不違。此成別相。故云長行綴葺。是十一所不攝者。恐義未顯。故引涅槃賢首品示之。以總長行綴葺。卽是總相。總相何得揀偈頌耶。其有畧說所應說義。通畧相修多羅。卽離雜集論文而爲兩段。畧出別之據。只用上賢首品一文。雙證二義。如云爾。

時文殊師利說無濁亂清淨行大功德已者。但是長行綴葺。若云欲顯示菩提心功德故。卽是略相標下文之所說故。次明不違成實可知。從斯則通十二分者。明畧相通也。不同別相。十一不攝。若十二分下正辨大義。雙結藏部二修多羅通局之異。此文正爲刊定立二總別。彼云但藏部立名。各有兩重總別。一謂三藏十二部爲總名。修多羅等爲別稱。二謂修多羅爲總號。毘奈耶應頌等爲別目。自古相傳。唯辨前門。不論其後。釋曰。其後一總別。彼爲挺拔。今正破之。彼意云。旣契理合機。名修多

撰述

華嚴疏錄卷二十一

三

羅則律與論皆有契合。豈不得名修多羅耶。故今示云。一藏有契合者。卽十二部中修多羅耳。此約義該何湏。更立兩重總別。三藏修多羅。唯局總相十二分中。却分三相。故從總相立於經藏。揀異二藏也。但開雜集下。結示遠公之據。有不曉下。結彈刊定違雜集言。却在彼已餘十二分文並可知。然隨一一分便引當經爲證。則顯此經具十二分耳。疏言。一祇夜者。此云應頌。一與長行相應之頌。由於長行說未盡故。雜集云。不了義經。應更頌釋。如十住品發心住頌。卽其類也。二爲後來應更頌。故

涅槃云。佛昔爲諸比丘說契經竟。爾時復有利根衆生爲聽法故。後至佛所。卽便問人。如來向者爲說何事。佛時知已。卽因本經以偈頌曰。我昔與汝等不識四真諦。是故久流轉。生死大苦海等。鈔涅槃云。佛昔爲諸比丘等者。卽十五經長行具云。何等名爲祇夜經。佛告諸比丘。昔我與汝愚無智慧。不能如實見四真諦。是故流轉。久處生死。沒大苦海。何等爲四。苦集滅道。如佛昔日爲諸比丘說契經竟。下全同疏。疏後等字有二。一等餘偈。更有偈。偈云。若能見四諦。則得斷生死。生有既已盡。更

不受諸有。是名祇夜經。一等取餘經文。

疏二受記者梵云和伽羅那亦云記別記者錄也。別謂分別一記弟子生死因果其文非一二記菩薩當成佛事如記彌勒此發心品及出現品並有其文。鈔如記彌勒者涅槃云何等名爲授記經如有經律如來說時爲諸天人受佛記別汝阿逸多未來有王名曰穰苴當於是世而成佛道號曰彌勒是名授記經。

疏四伽陀者此云諷頌諷即是頌謂孤起偈一爲易誦持故二爲樂偈者故三天偈讚皆是其流。

鈔四伽陀涅槃中引諸惡莫作偈二相卽是二意立偈。

疏五尼陀那此云因緣一因請方說爲重法故如三家五請等二因事方說知本末故如觀善財又雜集云又有因緣制立學處卽因事制戒亦第二攝。鈔二因事方說知本末故者涅槃云何等爲尼陀那經如諸經偈所因根本爲他演說如舍衛國有一丈夫羅網捕鳥得已籠繫隨與水草而復還放世尊知其本末因緣而說偈言莫輕小罪以爲無殃水滴雖微漸盈大器。

601234567897012345678980123456789

疏六優陀那。此云自說一爲今知而請法故。如十
地本分等。二爲令所化生殷重故。念佛慈悲爲不
請友如普賢行品等。

疏七本事者。梵云伊帝目多伽。一說佛往事。如說
威光太子等。二說弟子往事。如說諸善友因緣等。
鈔七本事二相中。瑜伽八十一。但有初相云本
事者。說佛前際所有事。後際所生事。雜集但有後
意論云本事者。謂宣說聖弟子等前世相應事。

疏八本生者。梵云闍陀伽。謂說昔受身。一說如來
如說威光數數轉身。值諸佛等。二說弟子。如諸善

友等。然其本事。但云其事。除所生事。本生要說受
身。鈔八本生等。一說如來者。涅槃云。如佛世尊
本爲菩薩時。修諸苦行。所謂比丘當知。我於過去
作鹿。作熊。作鷲。作兔。作粟散王。轉輪聖王。龍。金翅
鳥。如是行菩薩道時。捨所可愛身。

疏九方廣者。梵云毘佛畧。一廣大利樂故。二正法
廣陳故。此經一部全受斯稱。涅槃云。所謂大乘方
等經典。其義廣大。猶如虛空。雜集開爲五義。云。方
廣者。謂菩薩藏相應言說。亦名廣破。以能廣破一
切障故。亦名無比法。無有諸法能比類故。一切有

情利益安樂所依處故。宣說廣大甚深義故。釤九方廣可知。所引雜集皆第十一開總菩薩藏相應言爲四。并總爲五耳。餘可知。

疏十未曾有者。梵云阿浮達磨。亦云希法。一德業殊異故。如初生卽行七步。斯經不起而升四天等。一法體希奇故。謂說佛菩薩不共功德。經文非一。疏十一譬喻者。梵云阿波陀那。一爲深智說似。令解真故。如法華云。諸有智者。以譬喻得解。如出現品。一一喻明。一爲淺識。就彼取類。誘令信故。如爲擔人說。二蘊等。此經所無雜集通說爲令本義得明了故。

疏十二論義者。梵云優波提舍。一以理深故。二義不了故。並湏循環研覈。或佛自說。或菩薩相論。如問明品等。

疏此之十二。於大於小。爲局爲通。若皆大者。則違涅槃等文。涅槃第三云。護大乘者。受持九部。法華第一云。我此九部法。隨順衆生說。瑜伽等論。說聲聞藏。無有方廣然諸經論。且約一相。故作是說。如實說者。大小皆具。如深密中。菩薩依十二分教修奢摩他。瑜伽二十一云。佛爲聲聞。一具演十二分

教而涅槃說大。但有九者。依三部中之小相故。謂因緣中取因事制戒。於譬喻中。依爲誘引。於論議中。約非了義法華九部小者。三相大故。於記別中。取記作佛。自說之內。依不請友方廣之中。依廣大利樂。其正法廣陳。通大通小。然契經望餘總相略。相則許通有。別相則無。應頌諷頌。本事本生互望。並無本事本生。望於記別。亦是互無。自說因緣。容得互有。如因事說。不由請故除上所除。餘皆互有。此經之中。具足十二。已如上引。十二分教義。巴略周。有欲廣知。如涅槃十五雜集十二。瑜伽八十一。

等說言。一二昧種種性者。如一定中。凡小權實。多差別故。又一多卽入故。鈔涅槃第三云。護大乘者。受持九部者。義引經云。若有比丘。供身之具。亦常豐足。復能護持所受禁戒。能師子吼演說妙法。謂修多羅祇夜受記。伽陀優陀那伊帝目多。伽闍陀毘佛略。阿浮達磨。以如是等九部經典爲他廣說利益安樂諸衆生故等。法華第一。卽是方便後偈。下半云。入大乘爲本。以故說是經。下引瑜伽。小唯十一。

此念有十種。所謂寂靜念。清淨念。不濁念。明徹念。離

撰述

華嚴疏錄卷二之二

三

塵念離種種塵念離垢念光耀念可愛樂念無障礙念。

疏三此念下明能念勝相於中十句一靜慮相應故二無漏俱轉故三淨信俱故四了了知故五不取相故六離分別故七離所知故八與慧俱故九具上諸德故十離上諸過故。

菩薩住是念時一切世間無能燒亂一切異論無能變動往世善根悉得清淨於諸世法無所染着衆魔外道所不能壞轉身受生無所忘失過現未來說法無盡於一切世界中與衆生同住曾無過咎入一切

諸佛衆會道場無所障礙一切佛所悉得親近是名菩薩摩訶薩第八念藏。

疏四菩薩住此下明念益相亦有十句旣世與出世皆念故能離過成德並顯可知。

佛子何等爲菩薩摩訶薩持藏此菩薩持諸佛所說修多羅文句義理無有忘失一生持乃至不可說不可說生持。

疏第九持藏釋相中三初別舉文義顯長時持持一佛名號乃至不可說不可說佛名號持一劫數乃至不可說不可說劫數持一佛授記乃至不可說

撰述

聖嚴正錄卷之二

不可說佛授記。持一修多羅乃至不可說不可說修多羅持一衆會。乃至不可說不可說衆會。持演一法乃至演不可說不可說法。持一根無量種種性。乃至不可說不可說根無量種種性。持一煩惱種種性。乃至不可說不可說煩惱種種性。持一三昧種種性。乃至不可說不可說三昧種種性。

疏二持一佛下。徧舉諸法。顯能廣持。所持卽前所念之法。

佛子此持藏無邊難滿。難至其底難得親近。無能制伏。無量無盡。具大威力。是佛境界。唯佛能了。是名菩提源。十餘無能破。

薩摩訶薩第九持藏。

疏二佛子下。辨能持德量。文有十句。一大之無外。

二廣能虛受。三深難至底。四四邊絕相。五外無能制。六體無分量。七用無窮盡。八內含衆德。九因徹果源。十餘無能破。

佛子何等爲菩薩摩訶薩辨藏。

疏第十辨藏文有四別。謂徵釋結歎。

此菩薩有深智慧。了知實相。廣爲衆生演說諸法。不違一切諸佛經典。

疏釋相中四初總舉體用。雙照事理。二種實相。名

撰述

華嚴疏錄卷二十一

三

深智慧。

說一品法乃至不可說不可說品法。說一佛名號乃至不可說不可說佛名號。如是說一世界。說一佛授記。說一修多羅。說一衆會。說演一法。說一根無量種性。說一煩惱無量種種性。說一三昧無量種種性。乃至說不可說不可說三昧無量種種性。

疏一說一品下顯能廣演。

或一日說。或半月一月說。或百年千年百千年說。或一劫百劫千劫百千劫說。或百千億那由他劫說。或無數無量。乃至不可說不可說劫說。劫數可盡。一文

一句義理難盡。

疏二或一日下明長時演先正明。

何以故。此菩薩成就十種無盡歲故。成就此歲得攝一切法。陁羅尼門現在前。百萬阿僧祇。陁羅尼以為眷屬。得此陁羅尼已。以法光明廣爲衆生演說於法。疏後微釋。以是十歲之終。故說具前十歲近接總持復舉陁羅尼門。

其說法時。以廣長舌出妙音聲。充滿十方一切世界。隨其根性。悉令滿足。心得歡喜。滅除一切煩惱纏垢。善入一切音語言文字辨才。令一切衆生佛種不

斷淨心相續亦以法光明而演說法無有窮盡不生疲倦何以故此菩薩成就盡虛空徧法界無邊身故是爲菩薩摩訶薩第十辨藏。

疏四其說法下彰辨之德亦有正明徵釋可知此藏無窮盡無分段無間無斷無變異無隔礙無退轉甚深無底難可得入普入一切佛法之門

疏四歎益中文有十句義該七辨一無窮盡是豐意味辨一句中出多事理故二卽捷辨欲言卽言無分段故三無疎謬辨不以邪錯間深理故四無斷辨相續連環故五應辨應時應機無變異故

六迅辨迅若懸河無隔礙故已下四句卽一切世間最上妙辨此辨有五德一甚深如雷卽第八句二清徹遠聞故不退轉卽第七句三其聲哀雅如迦陵頻伽故能普入一切佛法卽第十句四能令衆生入心敬愛五其有聞者歡喜無厭故難可得入上二卽第九句上來第三依章別釋竟鈔七辨十地廣明

佛子此十種無盡藏有十種無盡法令諸菩薩究竟成就無上菩提

疏第四佛子下總歎十藏勝能分三初標歎

601234567897012345678980123456789

何等爲十饒益。一切衆生故。以本願善迴向故。一切劫無斷絕故。盡虛空界悉開悟心無限故。迴向有爲而不着故。一念境界一切法無盡故。大願心無變異。改善攝取諸陀羅尼故。一切諸佛所護念故。了一切法皆如幻故。

疏二徵釋釋有十句。攝爲五對。一下化上求。二暨窮橫徧。三捨相契實。四無變善攝。五外護內明。是爲十種無盡法能令一切世間所作悉得究竟無盡大藏。

疏三是爲下結歎。此後應有偈等。或是略無多是。

經來未盡第四會竟。

信士鮑學賢領募刻此一卷

與緣姓名開列於左

鮑宗	傳世高	俞夔謨	鮑學祖
沈氏	徐氏	鄭明鍼	錢國明各五分
如斗	觀姑	鮑鍾氏	鮑學時
鮑傳氏	鮑如秀	鮑鍾氏	鮑戴氏
仲祿	俞士昇孔氏	俞仲芳	鮑學志
氏	方學雅	陳士龍	陳震龍
融	吳承錫	江一鰲	俞益謨
學魁	俞祝氏	張承德	鮑宗謨
邵一源	鮑如月	俞聖壽	鮑仕顯
陸承德嚴氏	俞嘉言	鮑韓氏	鮑性
俞朱氏三錢	俞成章傳氏	俞長傳氏	方時鳴
	俞士冲一兩	鮑學賢爲母任氏自取	一錢
	鮑學賢爲母任氏自取	二錢	

大方廣佛華嚴經疏鈔卷二十一之二

終

60

1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

撰述

喜慶政金集

附

喜慶政金集卷之二
正月
王橫歸入公家
歲暮我
詩士通學資於裏故也一卷
癸未盡筆四會貴

多見

エノヰ七

二十七

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9